

程



武山吳友篁蒐錄

七十二峯足

徵集

依綠園藏板

序

周禮職方氏所載東南曰揚州其澤藪曰具區具區卽禹貢所云震澤左氏所云笠澤史記所云五湖而勾吳於越間總謂之太湖也湖跨江浙二省連蘇常湖三府袤延五百餘里中有七十二峰星羅碁布而東西兩洞庭馬蹟實為之長其濱湖諸峰左右列者均不與焉夫九州山水中如長江九江彭蠡以水名者不能無山匡廬羅浮黃山天台以山名者不能無水而具區七十二峰山水無之

沙戶
其秀靈所鍾自鉅儒名臣遺逸寓公與夫仙真佛
子閨房之秀接時而生既已代有其人矣然而三
不朽之一惟德之碩功之顯者載於史書焯焯不
可湮沒而立言自見者苟無人焉搜討而表章之
其不同煙雲之變滅花草之榮萎者幾何夫具區
為揚州之勝七十二峰又為具區之勝而人文之
擅秀靈於七十二峰者不能使之必傳即湖山亦
有因而減色者此吾友吳子友篁不能已於足徵
集之葺也友篁產具區之武山夙擅風華煙霞成

性固無心於經世理物矣因思徵文考獻本儒者
責而身為山澤之臞無由論列朝家典故乃采掇
湖山前哲存其言行選其文辭或本諸史傳或求
之家乘殫見洽文元元本本信者傳焉疑者闕焉
於揚風扞雅之中寓知人論世之旨其用心可謂
勤且專矣嘗考前代太湖詩文有具區洞庭等志
有洞庭清氣集有續集有震澤編有包山集有湖
山風雅紀諸書然所編始於唐宋未探徃古又所
收多東西兩山其餘莫由徧及友篁扁舟篋笠徃

來於七十二峰之間詣荒僻訪燼餘枯禪野樵相與諮詢即殘編零落一二語可傳者兼收並畜而使之俱傳豈山水靈秀之氣散焉而晦聚焉而顯編書之功幾與造化分權者耶抑此書之成前後歷二十餘稔意有積之彌久斯發之彌光者耶既又思職方所掌具區而外如雲夢圃田望諸大野以暨弦蒲緜養紆昭餘祈之地皆澤藪也倘得有心如友篁者起而採遺書訪故老勒成一編以備九州掌故將足徵者獨在東南之域也耶而此

書則九州之先聲也是為序

乾隆甲子夏五長洲同學弟沈德潛題於燕臺容舍之夷白齋

序

積學齋徐乃昌感書

扶輿雄剛清淑之氣凝而為山融而為水崇隆澄
涵巍峨渾茫故兩間靈都與區輒以山水為職志
英才秀民亦以山水為孕育而山水又必相麗山
得水而滋水近山而潔墮山廣川陵阜沼沚每不
可得兼然僅曰相麗已耳山臨水濱水傍山麓僂
指宇內小大近遠之境相麗者便為佳絕惟吾吳
具區汪洋演迤以頃計者萬有六千七十二峰浮
青插翠歷落布置於煙光浩淼中而全湖如鏡沉

浸而範圍之間遊湖濱瀲灩空濛極望無際若不
可一葦杭而策足至及泛澄波登東西洞庭峰迴
路移平疇茂林桑麻廬舍與丹葩綠藻掩映如畫
村落經行一重一掩俄頃已忘涉川偶凌陂陀陟
岑岡松梢屋角之外忽如天門中斷水盡雲連盪
胸決慨震駭慄慄始知渺焉一身泛重溟而離人
世生長此邦習焉不察昧昧思之庶幾海上神山
有此異境方隅之內匹此者誰所夫水流山峙其
氣清夷水匝山重其神寧固又城市遙隔在彼一

方其習樸茂而靜安故此中人咸敦本力穡慤謹
儉勤而秀良俊彥則浸淫卷軸被服古人發為文
章言有根柢蓋茲山夙蘊靈蹟在道書為第九洞
天靈威丈人曾得禹書於林屋真仙高隱如劉根
角里之徒載在前志流風所漸山癯澤叟清修介
節代有其人至明季如施槃王鏊吳惠蔡羽陸治
輩詩篇翰墨猶映照藝林其間讀書續言修業立
名處為碩儒出為良吏者志乘所書更僕難數大
抵素封則好行推解寒畯則力砥廉隅賦詠見風

雅之代興稽古幸斯文之不墜地深境阻居然名
獻之區川泳雲飛蔚爾詞宗之藪所謂雄剛清淑
之氣鍾於山水即毓為人文不信而有徵乎兩山
去予家百里而近曩顧未暇一遊客冬省假南旋
今春有東西山宗人來謁邀余戾止其川原風物
習俗之美良如前所云徧昭諸士夫復皆好學能
文數典而不忘其祖因與考遺編之著述訪先喆
之流風竊欲蒼粹一書為是中文獻而友篁吳子
適以斯集見貽其編纂至百餘卷首詩次賦次詞

次文略仿昭明太子例詩八詞賦合得一文一人
以氏族序不限時代各系一小傳畧仿遺山中州
虞山列朝例東山西山外旁及他山去取精嚴蒐
羅詳到積數十年之力以潰於成名其集曰足徵
斯殆雄剛清淑之氣實式憑於友篁而七十二峰
文獻之傳不能不取徵於友篁也予故樂為序之
乾隆乙丑新秋錫山同學弟秦蕙田拜手書

其後予從祖不官暨秦存古兩先生選兩山風雅
 而傳人寢廣然亦未及馬蹟長沙橫澤諸山也自
 是聞風興起者慎在茲有太湖詩選陸仲飛有洞
 庭明詩選葉石君有東山詩紀凌聖功有金庭合
 凡例
 是集表太湖之凡也太湖詩文有選肇自前明吳
 隱君思政之洞庭清氣集嗣之者為孔叅軍道行
 之續清氣集皆始於宋南渡迄明之中葉入集不
 過三十餘人人不過數首未嘗有漢唐以上作也
 其後予從祖不官暨秦存古兩先生選兩山風雅
 而傳人寢廣然亦未及馬蹟長沙橫澤諸山也自
 是聞風興起者慎在茲有太湖詩選陸仲飛有洞
 庭明詩選葉石君有東山詩紀凌聖功有金庭合

凡例

是集表太湖之凡也太湖詩文有選肇自前明吳
 隱君思政之洞庭清氣集嗣之者為孔叅軍道行
 之續清氣集皆始於宋南渡迄明之中葉入集不
 過三十餘人人不過數首未嘗有漢唐以上作也
 其後予從祖不官暨秦存古兩先生選兩山風雅
 而傳人寢廣然亦未及馬蹟長沙橫澤諸山也自
 是聞風興起者慎在茲有太湖詩選陸仲飛有洞
 庭明詩選葉石君有東山詩紀凌聖功有金庭合

選葉蒼舒有兩朝國雅席貢湖有湖山靈秀集大槩權輿於清氣取材乎風雅而各出手眼以成一家之選第諸先生意在傳其詩予則意在傳其人入繫小傳廣采七十二峰不拘一隅務為吾鄉先喆存其言行於什一云爾

徵文以詩為主次以賦以詞至於散體之文名家具有專集美不勝收止採其有關湖山風物足備考稽者錄焉

徵獻五湖七十二峰世家大族高人逸士多矣史

有傳家有乘或本事有關佚他書載其首尾或學士大夫所未悉而山臞澤叟能道之叅互考訂闕疑傳信皆有原本非敢鑿空杜撰以誣前喆而欺斯世

貢湖靈秀集凡例仿元遺山中州集今仍之獨不以時代為編次而以氏族作類叙者竊取世家世本之意著其來歷以見家學淵源相承有自而門第之甲乙箕裘之隆替亦可考世次而得之

湖山荒僻前輩詩人吟嘯隱居者止以自怡不求

人知其梓稿問世者十無二三故列朝詩選明詩
綜兩書臚列一代人物而所載太湖詩人不滿數
家予從事此書數年來裹糧移棹於七十二峰古
里荒村無遠不到殘編剩卷無有不搜得二百八
十餘種姓名可考者六百餘人苦力不能合梓僅
節鈔十之五六非敢云選也

前輩遺稿十亡六七間有流傳一二又非若楓落
吳江長笛倚樓之句足以千古葉石君東山詩紀
中有僅載姓名而削其詩句者恐久之并姓名亦

歸湮沒今以氏族類編其中必有魁然傑出者為
文采風流之冠而殘膏賸馥亦足沾溉其餘則亦
兼存而節取

閨秀出於名家巨族咏絮吟風綽有風範者固不
乏人而衡門靜女夙具慧心無所師承天籟自鳴
亦復不少或偶爾識字便學吟詩宜為桐城方夫
人所嗤者若出於苦節奇烈之筆雖句不諧律辭
未雅馴而其中有意味是在以詩傳人以為後來
賢女子勸不得不存

寓公前代俱不可考南渡後頗有聞人有明以來
必故老見聞歷歷可據者方存疑者寧闕
方外小傳悉本靈濟曹洞諸山塔銘賢首宗乘其
餘林栖雲卧聲出金石者採錄其尤以登集
詩人小傳於他山頗畧而東山馬蹟較詳東山故
家大族遺耆多聞可以諮詢博採考訂成文馬蹟
一山得徐君起田搜羅事實佐我不逮若他山既
鮮同志又無好事家有藏書可就鈔借讀依據立
傳是以僅紀姓名者居多

立傳有蓋棺論定之義故止錄先詰詩賦文詞而
現在者不與惟是年高德劭鄉推祭酒可卜其晚
節之無他者自古稀以上附載各姓之後

是集七十二峰詩人之詩七十三卷閨秀三卷寓
公四卷方外五卷仙鬼僕伎一卷賦三卷詞二卷
文十三卷但世遠年湮恐多遺漏竚望同志君
子鑒此區區之誠倘有珍藏前輩遺集出以見示
當即補入

當明蘇人...
 于蓋北國...
 文十三卷...
 公四卷...
 武集...
 ...

七十二峰足徵集目錄

卷一

武峰吳定璋友篁菟錄

濮 婪

濮 孟初

濮 肅

濮 本

吳 生

吳 澤

吳 壽寧

吳 壽昌

吳 惠

吳 昂

吳 鎮

吳 懷

吳 恪

吳 庸

卷二

周 術

周 達

周 嵩

周 頌

麴信陵

麴貞

俞躍龍

俞琰

俞仲溫

俞貞木

俞喆

卷三

許必勝

許琮

許理

許銓

許道中

許繩武

許鼎臣

許鼎元

許新民

許世泰

卷四

賀廉

賀元忠

賀泰

賀承宗

賀萬初

史昱

史緯

孔聞徵

孔貞行

孔貞明

孔尚素

孔尚達

卷五

秦欽

秦辰樞

秦嘉銓

秦文超

秦國珍

秦元熙

秦之鑑

秦澂

秦翰

秦式金

秦之琦

秦崇瞻

謝穉修

謝復

謝尚義

譚道原

卷六

葉宗顥

葉謙一

葉德聞

葉德新

葉廉

葉漢

葉祚

葉具瞻

葉齊芳

葉應奎

葉良輔

葉宗直

葉宗德

葉珙

葉勤民

葉詩

葉延祖

葉傑

葉茂榮

葉胤祖

葉遐章

葉昭夏

卷七

蔡宗善

蔡旭

蔡昭

蔡昇

蔡蒙

蔡雲程

蔡德馨

蔡惟忠

蔡善道

蔡一心

蔡淦

蔡旅平

蔡湛

蔡汝嘉

蔡簫

蔡元宸

卷八

蔡士祿

姚起蛟

姚珏

姚元會

吳信

吳敏

吳天禴

吳大江

卷九

施槃

施鳳

施中

施王宣

施元善

施大用

卷十

王琬

王鏊

王銓

王延陵

卷十一

鈕一慶
鈕仲玉
鈕國蕃
鈕王綸
鈕雲

卷十二

陸治
陸文組
陸鍾呂
陸伯相

陸漢昭
陸生鳳
陸一寧
陸有餘

卷十三

嚴經
嚴果
嚴倫
嚴宗顯

嚴茂初
嚴大本
嚴始
嚴允弘

嚴兆名
嚴自成
嚴簡
嚴灘

嚴樞

卷十四上

蔡羽

卷十四下

蔡羽

卷十五

丁致祥
丁翰
丁復初
丁辛

丁澈
黃訓
黃光宅
黃文漢

黃河
杭渭
杭澤
杭岱宗

杭玄 杭銘鑑 杭源濬 杭海樞

魯釗 魯鉉

卷十六

張五本 張希甫 張正春 張列

卷十七

徐隱 徐案 徐輝 徐鑑

徐章 徐震 徐鐘 徐琦

徐璲 徐珍 徐璿 徐瓊

徐縉 徐鱗

卷十八

葉初春 葉正春 葉奕春 葉逢春

葉子循 葉灼棠 葉壽棠 葉芾棠

葉令遐 葉經 葉鑣 葉汝賢

卷十九

李顯 李濬 李鼎 李轟

李備 李奩 李高桂 李盛時

李敬 李珍 李仲芳 薛南

薛直 馮昞 馮世祿 馮思正

馮儒

馮霖

馮兆占

馮兆賜

殷鈇

管默思

魏惇徵

魏倫標

魏名大

魏余棟

卷二十

鄒倫

鄒之翰

鄒斯盛

鄒儒

鄒賓

鄒弘志

慎在茲

慎康

費而廉

費世榮

卷二十一

葛佩

葛符

葛一龍

卷二十二

姜節

姜大謙

姜曦徵

姜立寬

姜森玉

勞珊

勞遜志

勞遜膚

勞十澂

邱文化

邱時學

邱民誌

邱國浩

卷二十三

劉敏

劉鳳舉

劉昭文

劉薰

劉仁啓

錢孝

錢球

錢豫謙

錢國珩

錢憲祖

錢松

錢憲默

錢淵

卷二十四

許曄

許志問

許明輔

許元功

許汕

許濠

許元

許振光

許聚

許永鎬

卷二十五

吳文之

吳絳

吳九達

吳縵

吳潔

吳情

吳愷

吳悌

吳瑞

吳之申

吳之藻

卷二十六

朱右

朱昱

朱魯

朱璜

朱良佑

朱鳳章

朱明

朱枝昌

朱鳳起

朱汝龍

朱輔世

朱永譽

朱必振

朱宗蕃

朱世榮

朱鶴

朱秉貞

朱繼夔

朱濟世

朱謙

朱紹

朱如莢

卷二十七

陳睿謨

陳康謨

陳咨稷

陳玉璫

陳志浚 陳璿 陳所知 陳履儀
陳履儼 陳璠 陳世祉

卷二十八

陸廓如 陸樞 陸奮飛 陸翮

陸繼蒙 陸鳴臯 陸經 陸寧國

陸燾 陸維

卷二十九

鄭準 鄭泰勇 鄭坤 鄭香祖

鄭溥 鄭元亨 周公贄

卷三十

湯倂 湯祖武 湯承彝 湯沐

湯學修 湯國璟 湯齊

卷三十一

顧綬 顧超 顧元 顧輝祖

卷卜有徵 卜相

卷三十二

周琬 周宸 周惟正 周謙

周欽 周雅 周南 周魯

周師
周淙

卷三十三

葉善道
葉松
葉源

卷三十四

翁廉
翁鉞
翁藹
翁彬

卷三十五

翁世琦
翁應玄
翁天章
翁誥

卷三十六

施大政
施理
施逸
施弘道

卷三十七

施大經
施應登

卷三十八

吳橋
吳棟
吳大本
吳崙

吳嘉禎
吳安伏
吳景霄

卷三十九

葉崙
葉程南
葉弘祖
葉有馨

葉英
葉澄高
葉世偶

卷四十

席沔
席學武
席本廣
席啓紘

席啓鳳
席啓圖
席濤
席敬泰

席啓吉

席啓疇

卷三十九

陳愛民

陳之桂

陳啓寅

陳復新

陳綸

陳蘭

陳椿

楊允魁

楊匡

楊一鶚

楊信圭

高鴻舉

高學渭

卷四十

葛彌光

葛御夏

葛昭夏

葛行夏

葛承章

葛畊

葛之耆

卷四十一

許之漸

許之溥

許之澍

許惟挺

許惟楫

許麟耀

許璿耀

許台耀

許元愷

卷四十二

葉蕃

葉照闇

卷四十三

金信

金繼昌

金燭

金冶

金鼎臣

金令

金鼎

金礪

卷四十四

王禹聲

王晉

王嘉衡

王尊賢

王憲度

王武

王祚謙

王希

王來誥

王熙祖

王奕達

王就學

王需

王奇佶

王世庸

卷四十五

鄭階

鄭圃

鄭逸

鄭華晟

卷四十六

吳鼎芳

吳士竑

吳玄齡

卷四十七

葉時蕃

葉繼忠

葉時育

葉元發

葉之恒

葉之倫

葉聲

葉芳嘉

葉萬年

葉萬里

卷四十八

徐復陽

徐國瑞

徐震陽

徐騰暉

徐騰暉

徐騰照

徐兆鼎

徐兆貞

徐兆衡

徐蔚佩

徐承中

徐庚體

徐臨

徐龍乾

徐又彬

兆龍

卷四十九

蔣璇

蔣秀

蔣之紱

蔣尚義

蔣粲

蔣湛

蔣瑛

蔣琦

蔣應期

凌諍臣

凌啓蒙

卷五十

湯濩

湯大任

湯大訓

湯一麟

湯一騏

湯輅

湯光

沈本

沈餘烈

沈啓元

沈啓明

沈謙用

沈維璜

沈國元

沈希孟

沈璜

沈世宏

沈莊

沈高桂

卷五十一

翁天游

翁澍

翁文梓

翁士芬

卷五十二

周采

周而淳

周官

周維新

周恒

周吉

周玉基

周祖典

周德新

周斐仲

卷五十三

吳十暘 吳惺 吳伯尚 吳仲正

吳渭 吳軫 吳翼 吳夢青

吳彥深

卷五十四

葉芳標 葉良楨 葉聯璧

卷五十五

周建鏡 周建銘 周沈祿 周禹

卷五十六

馬雲程 馬麓 馬春 徐偉

徐璋可 徐瑜可 徐玠可 徐志宏

徐廷珂 徐三函 鄧旭 鄧秉鉅

蘇一善 孫治 曹鼎新 曹允昇

卷五十七

葉弘勛 葉英 葉澄高 葉之廉

葉兆昌 葉張綏

卷五十八

翁美 翁泰 翁大賚 翁大貴

翁旭 翁守神 翁校 翁格

翁 栻

翁 紹臺

翁 國權

翁 國相

卷五十九

葛 下峻

葛 喬年

葛 士範

葛 士邁

葛 國榮

卷六十

蔡 維寧

蔡 開

蔡 士吉

蔡 疇

蔡 集

卷六十一

許 元愷

許 彰

許 彩

許 霽

許 元獨

許 章光

許 光炳

許 昌岳

卷六十二

許 官

許 成才

許 朝元

許 志明

許 鍾乙

許 濬

卷六十三

翁 志琦

卷六十四

葉 樹廉

葉 奕

葉 修

葉 裕

卷六十五

葉 善徵

席啟疆	夏校	席永昂	邱賡熙	席永恆
吳中朗	吳嵩	吳兆麟	吳兆鯉	吳克昌
葉德大	葉近	萬延卷	鄭茂協	秦中泰
陸瑞鶴	陳猷	鄭茂協	鄭棟	

卷六十六

金友芳	金汝劬	金植	金士衡
金世章	金友焯	金友謨	金士宦

卷六十七

吳之昌	吳中才	吳浩
吳元衍		

卷六十八

張振先	張善道	張明俊	張鼎
張御採	張震亨	張霍	

卷六十九

吳高	吳從聖	吳從明	吳嘉鈞
----	-----	-----	-----

吳時德	吳時升	吳時雅	吳永順
		<small>姜森五 填諱</small>	

吳永減	吳克恭
<small>俱同上</small>	

卷七十

余弘道	潘坤元	戴銘	戴紀
-----	-----	----	----

卷七十一

張延基	張士枋	張尚絢	王奕仁
-----	-----	-----	-----

卷七十二

席十教 席後沆 席永鏗 席紹雄
席錢巖 席士玕 席王芳 席陸蕘

卷七十三

蔡士寧 葉從時 葉青 葉士鑑
葉夢林 葉士奇

卷七十四 閨秀

葉正甫妻劉氏 蔡橘洲妻吳氏
朱淵 施素秋 周孔嘉妻葉氏

張武峰妻孔氏

葉氏 沈載公妻張氏

卷七十五

鄒延玠妻吳氏 黃玉章妻吳氏
鄭量如妻嚴氏 吳翰章妻施氏

貞烈女王氏 貞烈女席氏

錢澄之妻方氏

卷七十六 閨秀

許冰素 吳淑賢
延陵葉氏 翁駕徵妻葉氏

唐屏山妻葉氏

席淑媛

陸瑞玉

金峴亭妻陳氏

葛孺人

席允成妻吳氏

席大業妻吳氏

周五瑞妻翁氏

周月貞

潘御雲妻姚氏

菱湖茹芝 附

蔡靈州夫人鄒氏 附

卷七十七 寓公

張祐

孫覲

葉夢得

李彌大

胡松年

王逢

王鵬

卷七十八 寓公

莫士龍

路振飛

路澤濃

侯性

侯藏

張虎

吳鵬

金印

金印

馬同春

唐大卿

徐案

龔十源

龔瑞

張玉

卷七十九 寓公

徐乾學

葉燮

周金然

張桓

歸莊

柏古

高溶

周南

周際昌

周宸錫

沈駿

卷八十寓公

陸燕詰

陸瑞麟

嚴振

卷八十一方外

重顯

義懷

大香

通潤

卷八十二方外

正觀

超輪

慧大曉

廣成

靜安

慧澄

真諦

熙乘

顯謨

通乙

大幻

實訥

原淨

成德

明隱

文玠

營澈

心淨

卷八十三方外

弘儲

式謙

紀蔭

超揆

曠蹤

志獎

卷八十四方外

南潛

則遠

大涵

祖涵

元燈

明惠

靜睿

卷八十五方外

大燈

德濟

元祚

通明

延音 衍皓 山灝 席應珍
徐穎 陳忱 安生 僧鑒
宛仙

卷八十六 仙鬼僕伎

吳童子 杜蘭仙 蔡經 震澤龍女

張志和 夷叔羅 陰長生 夏顏

橘社鬼仙 終南道 凌波 葉祖仁

吉小乙 鳳筠 碧雲 附王六娘

卷八十七

詞

卷八十八

詞

七十二峰足徵集卷一

武峰吳定璋友篁菟錄

虞山陳祖范見復編訂

濮婪

公吳延陵季子之孫也當越入吳之際避迹五湖
變姓名為濮婪居東洞庭之虎山有土阜負石而
出相傳為濮公墩云按延陵祖德錄有高山詩三
章採之以為太湖文獻之首也

高山三章

七十二峯

武山

卷一

爰有高山洪湖襲之龍蛇既遠夕月朝曦穆然而
靜淳風未漓我安適歸載歌採薇

爰有高山可立室家藏器奠主心靡有涯傷羽投
林窮魚赴洿祖澤不泯身隱焉嗟
爰有高山以望故都螭首蛾眉毒竟沼吳至德弗
祀傷如之何我爲臣僕其傷孔多

濮孟初

公字元善延陵之裔唐德宗時人學於魏宗魏詩
尚簡淡有陶謝風骨

濮公墩晏坐

愛茲碧山靜獨坐適清興日落松風生雲光滿蘿
逕

記別三首

媧腹阻行遊廣粟去天咫晨風飄往路千里從茲
始悠悠山川邈冉冉青陽駛剡溪無返棹結戀懷
吾子

桑弧四方志跼躅我非夫夸譽撓安寤閱躬得新
懦文酒招近局戰勝彌形癯不辭乘下澤焉用歎

交衢

淪羈定山外迴矚固陵東遙空天水碧海岸扇和
風露花香欲泣苞綠間殷紅縱得春林意遲歸賞
未終

濮 肅

公字端士宋仁宗時人志趣高潔與吳門范仲温
研精參同契直造玄室年九十無疾莊坐而逝

知足

知足自不辱古人乃患辱但安童叟嬉寧與紛華

觸白日一卷書興來還秉燭

述懷

人生天地間自顧一何小寧同避釣魚敢學驚弓
鳥物理自悠悠世情多擾擾桃源眼底是何必尋
雲表

濮 本

公字君立宋神宗時人生而岐嶷性不嬉戲十歲
能文博覽羣書既壯歷遊名區作時事策謁蘓老
泉議論深切蘓大奇之延陵祖德錄載詩一首

偶感呈蘓先生

好手不甘袖日對棋一枰雄爭漢楚壘秘逞孫吳
兵債着還自錯先機非偶羸古今多少事落盡此
空聲

吳百生

公字承榮少有器識舉止過人嘗慨歷世冒濮姓
祖宗讓德泯焉迺輯延陵祖德錄宋高宗南渡赴
臨安叩闕陳情有旨行本路勘實復吳姓酌免其
居址地畝糧稅以報伊上祖墾闢之功今濮公墩

季子祠是

宮詞四首

妙選昭陽進羞花妬六宮行階蓮落地隨御柳含
風按舞天光近徵歌燭影紅夜深金殿合環珮月
明中

阿嬌金屋閉羣玉奉龍輦夜色明光酒春風長信
裾傳宣嚴仗合應侍冶容虛笑簇嫣然地名花總
不如

鈞樂雲中動鑿輿天上行百花齊醉日孤月獨明

更玉漏頻催酒金爐細結夢春秋有常幸日日調
清平

中使質明催珠宮寶扇迴髻雲雙鳳攤歌雪百花
堆競立徼殊寵群趨望獨魁壽陽春夜額貼畫一
庭梅

莫釐遠眺

金庭隔塵聳玉柱插天浮石古不知歲谿虛長欲
秋繡重紅錯翠錦簇閣兼樓望裡三州遠吟邊松
月留

烏夜啼

夜夜烏來啼未央明月出戶空飛霜吹笳征夫不
就寢宮筵列燭聲滿堂

吳淞澤

公字兌夫天性慈祥氣量純雅通周易春秋善以
義理開導愚懵人宋德祐初舉爲宣政教官

古有所思

我思至人遊心唐虞之帝廷上下數千載迥如雲
霄疇與京學夔禮樂表世則克紹周孔流芳聲斯

文在茲幸不墜亘古永懷惟六經
吳壽寧
公字逢辰號蘭坡宣教公仲子元至正間於先壠
之右建祠堂像設季子合族人歲時祭祀旁構精
舍曰壽寧庵鑿泉於道以飲渴者曰壽寧泉范敬
之爲記稱其世有積慶云卒年九十有七

錄譜示後

世家最重延陵譜脫屣吳宮讓德存祖澤源深流
自遠宗支派衍本須尊光榮十字褒尼父隱遜三

傳著濮墩老眼閒窓勤校覈后昆師法耻爭喧

得泉

濮公墩下古祠邊疏剔雲根碧盎然廉讓之間分
一脉任人喚作壽寧泉

吳壽昌

公字逢午號桂坡宣教公叔子恭兄友弟家庭雍
穆績學力行不求聞達有讀史諸作趙子昂亟稱

之

陽春歌戲贈吳興趙王孫

天孫年年織花錦萬紫千紅春管領春風裁剪春
鳥引芊眠芳草金杯飲金杯飲花正濃晴空飛燕
游絲中美人玉貌花一同自憐容易繁華空良辰
不肯枉拋擲日日高樓校女紅

吳讀史吟

椎埋屠狗是何人一都教作漢臣莫道英雄獨
劉季白蛇當道意無秦

萬事由天不可知旺衰氣數作安危崖山颶覆滹
沱凍一局興亡着定棋

吳惠

公字孟仁號東麓東洞庭岱心人宣德丁未馬愉
榜進士由行人歷官桂林府知府廣東右參政使
占城賜一品服致仕後自號天樂翁外孫蔡羽爲
之傳震澤編云公使占城時海風暴作同行者倉
皇泣下公操筆爲文投洋水中風濤頓息在桂林
義寧峒賊首楊文伯煽湖湘苗寇爲亂兩廣將會
兵討之公曰諭之不從進兵未晚乃單車抵賊所
撫諭之賊羅拜歸歛修仁荔浦猺獠數剽掠道梗

公召諭以威福人給郡符使佩之自是不爲害前
後所上章疏皆鑿鑿可行爲人有氣節遇事敢爲
好賦詩善行草山人登進士第自公始也

投洋詩

跨海宣皇仁非同估販客使臣雖渺軀威靈挾玉
冊颺母胡然來奔濤儼肆厄我無子玉弁我無澹
臺壁往返袖清風寸心矢精白煌煌大明詔海若
敢失職中國有聖人智何遜重譯告爾應有知安
瀾送飛驛

入義寧峒

天設此邦險乃爲蠻獠窟亂峰青入天萬石雲中
突峭壁矗崇壙古洞嵌硯關門守一夫仰面攻
豈得從來詐力徒恃此每狂悖撫馭失其宜禍作
勞剪伐嗟彼蠻獠人生亦具膚髮天性匪盡乖順
逆理可奪單車抵其壘開誠破迷惑涕泣盡投刃
盟心牲載割居然赤子懷南人戴諸葛兵氣潛以
消約束鮮睢刺頓覺嶮巖處嵐光堪拄笏迺知邊
釁開十五激之發柔遠有經綸禁網尚疎濶

水災後過淮作
聞道淮安富開倉復賑貧不知荒冊上活得幾千
人老弱流離衆朝廷法令新江南半天地小惠莫
言春

奉使占城

玉節龍旗奉寵靈衣冠遠錫慰來庭中天皎日消
蜃氣萬里長風送使星荒服子孫承貢獻竭夷德
化本朝廷行程聽徹銅龍漏簫鼓來迎出浩溟

占城元旦

占城宣詔度新年萬里蠻邦景可傳日着紵衣三
伏候夜聽銅鼓八更天山雞啼處聲猶小海鱷供
來味頗鮮當晝日輪如火蓋庶民常自沐清泉

學舍夜課甚賴火石燈檠二物各賦一詩以
贈

一點靈光隱璞中敲金戛出落星紅形分五嶽山
林氣神助千家日月功舉手不煩鑽燧力傳薪還
藉運斤風寒窗賴爾相磨勵夜半聞聲起伏龍
韓檠不論短和長夜夜芸窓一樣光吐出丹心垂

汗簡放開春色煥文章照殘萬卷月猶白看盡五
車花自香慙媿世家無異物此君奕葉耀華堂

度梅嶺

梅嶺重關聳碧岑逶迤石徑晝長陰梵王宮殿碑
文古丞相祠堂歲月深萬里風烟連絕頂滿山霜
葉墮疎林帝鄉北去雲霄迥翹首時懸一片心

喜雨

山城五月土欲焦浮雲瀰漫橫西郊昏黑須臾失
天地滂沱傾刻平塘坳及時萬畝播嘉穀鼓腹億

兆歡衡茅張燈置酒晏賓客醉翁亭記當筵苑

無題效李義山體

曾倚清酣奏綵毫象牀冰簟玉樓高徐娘老去風
情在班女愁來詞賦勞秦柳日斜傷渭曲楚蘭春
暮怨湘皋仙根寂寞崑崙遠浪說人間有碧桃

春日漫興

十日不出花盡開城南城北錦成堆即教閉戶從
花盡莫遣看花不醉歸

秋夜登樓

天高涼月浸山樓萬綠盈疇一色秋寄語桓伊休
弄笛梅花落處使人愁

吳昂

昂字景東號武峯叅政公兄弟行嘗卜牛眠於高
峰之俞塢形家言葬此當出一品王文恪公元配
吳夫人公長孫女也以夫貴誥封一品夫人而吳
氏子孫迄未有登第者至今土人稱之曰女貴墳
其詩筆古淡耐尋味

鳴鴈

鳴鴈嘹嘹差爾霜宵北來雲遙寧防射鴈 鳴鴈
侶侶聯翩其舉豈無虞羅吾則懼汝 南方之風
今也不同深機葦叢驚爾幾空 爾其飛只無戀
安渚適彼遠天何及也矢 相彼鳴鴈律我友朋
知幾高蹈雲霄鳳皇

雨望

望久雲霓今始得高閣登臨喜無極油油禾黍風
雨中老農憂色變歡色

寄山莊先生以沈啟南画索題因爲絕句貽

之并似啟南未知於造意處曾道着否

行雲無定踪流水向何處中有得道人無來亦無

去

半壁捲飛濤寒江忽移此正當酒渴時一杯漱吾

齒

秋水高數尋石壁落千丈時有蕩舟人間來坐天

上

五柳陰一溪柳畔茅齋露讀巖山海經先生正高

卧

林空落葉乾石瘦苔花冷嘿行觀道心碧澗流雲
影

樹暖雲皆靨山春草欲香石門卧馴鹿不識歲華

長

竹林知姓字領畧見風神荷鍤誰能事乾坤一酒

人

對雨空明閣夕陽關遠岑返照石壁上寒潭深樹

陰

清霜肅林樾江靜水聲悠寒鴉棲不定漂泊楚天

遙觀山中雲吞吐無已時人家住山下不知知不知
知

吳鎮

鎮字友山景東之子王文恪整外父也博學工文
尤寢食於三傳公無嗣著作化為烏有祇傳快壻
詩三首故老猶有能誦之者

南京鄉試喜濟之壻發解

月桂高攀第一枝紅羅傳報老夫知今朝屐齒應

為折快壻乘龍破壁時

濟之會試聯捷得元

文戰風雲早着鞭巍然名姓冠羣賢生平溫飽曾
非志好把功名繼孝先

濟之殿試欽賜探花及第

金門對策絲綸手玉殿傳臚台鼎司點得探花應
一笑太湖原欠狀元旗

王氏祖塋在化龍池形為鳳皇展翅湖中紫山稍偏地師云可惜狀元旗不正

他年應作探花郎今竟符其言亦奇矣哉

吳懷

懷字鳴翰以字行別號東峰叅政長子與王文恪
鏊同時有文名兼能武事所與交皆一時豪雋嘗
爲同庠生所疾羣聚於文廟前侮之東峰捥衣奮
臂人皆披靡從空踴躍如草上飛鷹翩然而逝莫
如之何也累舉不第鬱鬱以死生平嘗語人曰吾
文有金聲吾詩唐正音也有東峰集行世王文恪
題其像云於乎東峰天之生才將必有爲有才如
君卒以不試君之爲詩高視寰中天與之豪神助
之工瘦逾賈島險過盧仝狂書細札或整或斜細

入蚊睫勇拔鯨牙流落人間吁其怪耶誰云屢試
不聞一遺一目之網冥鴻飛高衡鑒之責吾徒所
叨於乎東峰今其亡矣吾疑猶在鬱肆之氣埋而
不壞廬山竹林自許生前於乎東峰然乎不然忽
覽遺像淚若迸泉文恪公之推許如此

友人以筇杖遙贈寄答

烟霜巴蜀遠忽至洞庭陰蒼古一枝玉斲勤萬里
心懷君時悵望扶我日登臨山郭多遊興椰瓢契
共深

壠頭雲

觸石纔看出遠岑飛來壠上作輕陰能同吾道卷
舒意惹起斯民仰望心忽落水田迷白鷺又歸樵
徑護青林明朝便見從龍去不獨商家有傅霖

贈王侍御

繡斧南巡幾歲華中都新拜寵恩加客邊貯橐應
無斫海上遺民盡有家紫禁雪寒辭帝里黃河春
暖候仙槎共傳召伯重來日千載甘棠一樣花

詠南都鄉試

千里攜書上帝鄉紅羅先勝鬪雞場芙蓉獨占秋
江色桂子高攀月殿香纔向鳳樓呈大手又從龍
袞獻長揚明年走馬東華道萬樹宮花遶建章

下第還家

殘燈無焰一尊傾骨月難為此夜情野岸西風宿
雁度破窓落葉草蟲鳴飄零江海身何定點檢年
華夢亦驚今日寒塘家獨在絲綸高捲釣船橫

過包山汎湖而歸

久知林屋勝蓬萊此日登臨霽色開戲踏金鰲醉

壯志醉題玉柱試仙才已無商叟知龍隱只有山
霧識鳳來報道五湖風浪息獨乘蘭棹鏡中迴

登西湖小洞庭

春波飛雪打芳汀扶醉來登小洞遮金闕芙蓉千
疊嶂玉壺天地一孤亭直須橫槊歌明月更擬浮
槎作使星不獨坡仙誇嶺海茲遊還許冠平生

鍊墩

三江引去桃花水露出波心小玉屏四面海天涵
地白一方烟薺破湖青登臨有客驚浮世今古無

人詠落星若使湖州仍見此便應添個看鷗亭

上王尚書恕

紛紛朱紫列朝端誰似尚書老豸冠報國不知雙
鬢白仰天惟有寸心丹一封書奏龍顏院六月霜
飛虎面寒願祝遐齡長不老扶持社稷萬民安

郡侯李廷美致仕還閩

春城冠蓋曉紛紛送別紅亭酒半曛每愛丹心常
捧日不知孤嶂易生雲賢臣去國真堪惜野老吞
聲不可聞見說鄉村衆兒女上書直欲見明君

湖上見梅

湖上尋梅雪未乾一枝攜向畫堂看
還吟夜月尋常句重整春風十二闌
瑪瑙坡前珠珮冷水晶宮裡玉妃寒
湯誇鼎鼐君從事暫借園林賓主歡

王濟之及第歸以詩贈之

冠蓋從容訪舊知九重天上試歸期
賢良久際風雲會懷抱同沾雨露滋
雁塔題名君獨早螢窓脫跡我偏遲
門前楊柳籬邊菊春色秋香各有時

遊湖東匏庵太史

行樂人生第恐遲新晴先遣報君知
未論姓氏通青瑣且對風花散酒卮
吳國江山渾勝画梁園賓客總能詩
綠陰處處堪維棹正是黃鸝百轉時

太史銘

關西一去楊夫子留得乾坤舊草亭
當道正收高士傳大碑曾打史官銘
光華自信畱千載風雨應知護百靈
實錄于今歸直筆幾多冠蓋挹芳馨

送思復之淮上次施宗銘韻

誰向東風折柳條征帆一夜泊河橋
天涯草色愁

春遠別路鶯聲入夢遙縱酒秦淮鳴俠劍狂歌吳
楚過歸潮丈夫自挾封侯志豈獨三江送客橈

送思德北上

蕩漾春光逼柳絲宮鶯飛出上陽時王孫蚤賦江
南草帝子纔歌冀北詩沃宅人分林屋棹買山家
擅橘官貲荷衣暫解休思隱且聽花朝玉漏遲

題扇頭黃葵花贈鄭令尹軾

乾坤正氣非凡色浪蝶狂蜂不敢侵一朵自擎承
玉掌萬花爭避向陽心暫傳春意來吳苑還染天

香到上林預飛名公朝闕去帶圍應賜此花金

與王翰林華嚴寺夜宿聯句

隔窗風雨夜潺潺濟往事驚心感慨間滿地江湖

成汗漫鳴翰終宵燈火說間關山中自愛眠雲冷濟

林下誰容鶴夢閒便欲促君同起舞鳴翰早來青瑣

付朝班濟

吳恪

恪字承翰號東澗叅政次子謹於事兄不私其財
志趣高潔愛翠峰悟道泉日裹茗嘗之曰此陸鴻

漸未喻也汲以餽名人吳匏庵沈石田王守溪皆
歌咏之傳爲吳中韻事所著有東澗集散佚無存
其傳者一斑片甲而已

酌悟道泉

久踏翠峰路今嘗悟道泉淡中偏有味妙處欲生
蓮石鼎誰聯句松根手自煎堪嗟陸鴻漸未喻雪
公禪

睡燕和謝宗可

風前收剪倦邨泥日午歸簾羽翼低垂首欲教辭

客至無言如恨有鶯啼神遊杏花春元在魂到芹
塘路不遠若見陳君論滋味也應移壘華山西

吳庸

庸字仲思號平齋鳴翰之孫與吟壇葛鳴玉爲中
表兄弟日相切磋有平齋集十卷

還山有懷子喬諸君子

芳草天涯歌王孫秋暮歸吳楓霜未落江雁雨初
飛邱壑閒情在親朋勝會稀何時一樽酒相與話
睽違

怡園

投老百年計忘情五畝園
好花經雨艷芳樹護雲
繁坐嘯寂群響行吟成
獨言最憐風景別人世
有桃源

句容道曉行

曉起碧山行霏微路未明
星河垂地白風露滿天
清氣肅寒初重秋高物
自成依稀見京國回首日
華生

感時

乘槎擬欲渡天河身世無憑發浩歌
坐對落花愁不盡靜聞流水意如何
天邊避弋冥鴻遠江上忘機野鳥多
甘以一身虛歲月可堪雙鬢老干戈

冬日華嚴寺作

衝寒扶策過青山古寺斜陽尚閉關
雙鳥入虛騷客到四花飛雨定僧閒
石潭雲暗龍應伏鈴閣風生鶴未還
坐久焚香轉幽寂恍然身世有無閒

吳欽

公字宗堯號東溪郡庠生以歲貢入京試太學易

藝第一授江西贛州府推官以廉惠稱

酒城

霸王昔耽飲割地五湖傍遷徙善釀者居此各獻
長至今得其術以業走四方吾廬隔世里無乃是
醉鄉嗟哉池與城曷不為金湯

七十二峰足徵集卷二

武峰吳定璋友篁菟錄

玉峰蔡爾浚繡壑編訂

周術

術字元道周泰伯之後居洞庭西山嘗與綺里季
東園公夏黃公隱商雒年皆八十餘稱四皓作歌
以見志漢高帝時留侯張良為太子畫計以禮招
致卒定國本蘇州志云先生居舟里故號舟里先
生子孫遂以為氏漢有舟叔者其後

紫芝歌

莫莫高山深谷逶迤曄曄紫芝可以療饑唐虞世
遠吾將何歸駟馬高蓋其憂甚大富貴之畏人兮
不若貧賤之肆志

周示達

達字鶴在舟里先生之裔黃冠周隱遙之姪也隱
遙得太陰煉形之道四十年中死而復生者三度
名聞宇內隋煬帝徵至東都尋放還鶴在作桃源
詩為諷隱遙欲授以道術亦不願學

桃源詩

緬昔避世人幽尋得荒路山川既修阻雲物還交
翳竒蹤五百年漁艇率然繫驚問所從來黃緣夾
溪樹淳薄雖異源外人已傳語繽紛徒悅目曷若
藝稷黍丁寧喻桃花勿更流紅雨

自省

芳草易云歌鷓鴣滿空原徂年已如此鬼窟况堪
捫顧我學輕舉脫屣諒非難偷生既不敢亦重棄
天倫

周嵩

嵩字喬年西山人宋末諸生

山樓秋夜

孤形侶雲漢涼思滿山樓高樹自吟籟清樽聊賞
幽檢書初志動撫劍壯心留蟋蟀不知事喧聲何
不休

訟風

西風雲戰急殺氣橫于戈有客懷鄉坐無隣送酒
過布袍欣豫煖凍筆苦新呵默訴玄冥后天涯征

戍多

近聞

斜陽淡紫弄暉暉澤國霜前落木稀遠憶東皇沉
羽駕近聞山鬼泣蘿衣画谿黑夜雙龍吼霞幕清
秋一鶴飛送盡海天千里目伶仃竹洋裡有誰歸

晚菊

落日西風弄晚晴東籬曲曲燦金英先生茅舍終
年淡惟有寒芳不世情

周頌

頌宇德揚元至大間以學行徵不就隱居教授兼以醫道濟世

陌上桑

陌上桑心憂傷國鄉不來桑葉黃秦家女兒鎖洞房何不顧盼生輝光

蒲生行

青蒲散野沼非由擇地生淺水身可依托根良有情水涸霜復降蒲質何其輕小草感造化年年發春榮蒲根能自植沼水常盈盈

翹信陵

信陵字宗魏唐貞元乙丑進士爲舒州望江縣令有惠政白居易美之以詩其禱神請雨文略云必也私欲之求行於邑里慘黷之政施于黎元令長之罪也神得而誅之豈可移于民而害其歲旣卒百姓留葬祠祀之能福其民宋崇寧四年敕賜靈施廟額其故宅在包山王文恪震澤編志之

移居包山

重林將疊嶂此處可逃秦水隔人間世花開洞裡

春荷鋤分地利縱酒樂天真萬事更何有吾今已
外身

吳門送客

亂山吳苑外臨水讓王祠景是傷情處春非送客
時不須愁落日且願駐青絲千里會應到一樽誰
共持

贈苗員外

朱戶敞高扉青槐礙落暉八龍承慶重雙虎候朝
歸坐久人聲絕琴橫鳥語稀花慚潘岳貌年稱老

萊衣葉暗新櫻熟風暄粉蝶飛誰憐魯儒賤獨與
故山違

春雪和韓吏部韻

江南春意滿見雪起農謠正喜陽方長猶嫌陰未
銷密來還沒瓦積久不平腰修竹皎清節垂楊裹
綠條酒寬江上閣詩澁灞東橋玉帶隔年瑞華飛
新歲瑤剪絨吹散夜殘甲戰酣朝雅素閒情放悠
揚逸思飄山川千里練天地一囊綃萬樹凌寒後
尋梅興獨饒

長安道

朱門映綠楊雙闕抵通莊玉珮聲逾遠紅塵猶自
香

酬譚上人詠海石榴

真僧相勸外浮華萬法無常可嘆嗟但試尋思
下樹何人種此我看花

題漁樵意圖

天晴偶作溪山行二老相遇談平生山經水注要
相訂釣竿樵斧俱忘情

麴貞

貞字抱一龜山人宋隱士也

雪霽月明獨步梅花下

雪晴月白梅花芬朗行恍在瓊瑤京光搖燦燦玉
宇淨香浮靄靄銀河明乾坤元氣正澄澈林巒景
色何晶熒風神顧我精爽逼襟懷頓覺塵囂清憑
高忽爾發長嘯千山響振鸞鳳鳴夜深一望五湖
白何當跨鶴遊蓬瀛

歲暮篇寄無礙居士

義和不停馭年華迅轉轂春陽萬卉菲忽驚遂淒
肅人生那能壽盈百轉眼光陰如過客夙齡壯志
日蹉跎黑鬢蕭蕭又云替年來年去機中梭去日
苦多其柰何君不見古來神智稱姜公賣漿屠肆
成竒窟岐周王氣時不發渭濱槁死終漁翁人生
代謝如四序陵陽松喬在何許功名富貴一浮塵
濩落饑寒向誰語向誰語爲君言寒氣凜冽陽和
旋得失不羈大化全樽前有酒同偓佺明朝且笑
雲山巔

俞躍龍

躍龍字禹門葉山人宋末諸生

憶匡山

匡廬一掬裡雪眼嗽天根時落凍僧影不逢飛鳥
痕夢中石門路月照柴桑村春水自茲遠幽期空
復存

俞琰

琰字玉吾先世自河南扈宋南渡家洞庭之西山
風宇清峭博通經籍好鼓琴尤精於易自言遇隱

者授讀易法得環中之義其闡發演繹叅同陰符
非苟知之蓋嘗試之手鈔諸家易說百卷名曰會
要註易纂圖考證古占法凡四十卷名曰集說叅
同契發揮三篇陰符經解一卷陰補空同道士鄒
訢之不足易外別傳一卷融貫性命推衍程邵張
朱言外之意常疑近代琴操有譜無字失古指制
作之原研究音調述絃歌譜四十餘篇寶佑間名
籍甚阮狀元菊存馬右丞性齋王參政都中皆白
首北面稱爲石礪先生年七十自知時至沐浴更

衣整襟危坐命子仲溫進卮酒飲畢曰吾與汝訣
矣神采不移翛然而逝

感興

道在太極先鴻濛本無質自一而生二陰陽乃噓
吸乾坤旣奠位人極所由立列而爲三才萬化從
此出羲皇始畫卦道體日已析西伯重六爻仲尼
作十翼廣大靡不備精微孰事測偉哉魏伯陽獨
能探其賾叅同契一書豈曰無前識妙理繇斯存
萬古如一日胡然今之人弗能踐其實紛紛學仙

侶閉氣以數息口吸日月光以爲長命術區區學
禪客窮年坐面壁其中無運化頑空亦何益是皆
昧其本可爲長太息吾讀聖人書期入聖人域此
心會此道此道貫乎一靜觀天地初抱而弗敢失
不論如虛無不論如空寂凡百主乎敬罔爲衆形
後由今返厥初渾然一太極

石澗吟

山居得岩穴結屋傍林樾游息在其間聊以傲風
月好風泠然清霽月朗然明入目無惡色入耳無

惡聲山間有奇石落落處荆棘舍貞不呈露寧無
夜光璧道人心如愚身與天爲徒其中懷至寶其
外如狂夫山間有深澗涓涓清且渙源頭活水來
萬古流不斷道人方寸中欲盡天理融念念常相
續妙用無終窮安然于此隱所得日已稔聞來石
上眠渴向澗邊飲不憂囊無錢不愁坐無檀富貴
人所欲於我何加焉田園差可恃萬事足乎已可
食無不鮮可茹無不美逍遙天地間此身終日閑
往來無罣碍佳處任盤桓靜則石爲伍動則澗爲

侶胸中有真樂終日得其所優哉復游哉襟袖無
纖埃傳語市朝客不如歸去來

擬古

青青庭前竹密葉光離離主人弗剪伐愛護日以
滋蕭蕭河邊柳攀折無完枝風波蕩其根戕害日
以衰人生天地間榮悴諒如斯其居使之然造物
無偏私

家藏小玉缶

家藏小玉缶歲月亦已久溫純無瑕疵樸素不矯

搽君子謹言語監此常守口置之几案傍以爲筆
硯友嬌癡三歲女戲弄舞於手墮地聲瑩然竟歸
無何有信哉天地間惟理獨不朽

送洪養源編修還京

鄱陽山水秀秀氣鍾三洪咳唾成珠璣錦繡蟠心
胸文章特餘事高節凌衡嵩姓名千古香炳炳方
策中箕裘傳裔孫文史富三冬學問日以博名位
日以崇我昔遊芝山一見嗟莫從今茲歸吳門避
逅俄相逢傾蓋如故交笑語春融融歲晚天正寒

此行何匆匆廟堂有碩儒才俊皆登庸此去掃青
雲孤騫駕長風顧我守蓬蓽衰朽一病翁空教羨
飛黃安能附高鴻作詩餞君行願君淬詞鋒早晚
掌絲綸欽哉亮天工

秋夜長

漫漫秋夜長皎皎秋月光游子思故鄉輾轉在
牀豪家年少郎月下飛瓊觴但愛秋月光那知秋
夜長

閒居偶成

新年五十五健如少年時束起兔園冊細玩周易
辭兒女自團圓臧獲自驅馳靜喜庭草綠閒愛春
日遲琴彈一两操酒酌三五卮無人惱我懷無事
攢我眉一卷參同契數篇康節詩素願行須酬眼
前聊自怡

癸未中秋分韵得宵字呈諸友

秋高氣肅夜寂寥一輪皓月行清霄清霄冥冥望
不極崑崙山影何岩堯一年月滿十二度孤光燦
爛尤今宵銀河隱晦不敢現北斗回折沉璿杓蚌

胎生珠兔懷孕海門拍岸東奔潮道人端坐南窗
下但覺銀海光搖搖神凝氣定寂不動俗塵萬斛
俱全銷颯然天闕來金飈仙花散亂飛瓊瑤

題靈隱寺冷泉亭壁間呈詩丈

去城十二里地僻絕氛埃寺是晉朝建山從佛國
來亭虛攢綠蔭澗冷浸蒼苔鷲嶺吟詩者而今安
在哉
憩雙鳳道中井亭
徐行到井亭渴喜井泉清雲散天無翳風來樹有

聲枯田晴鳥聚濕壤早蛙鳴信道豐年樂人人說
太平

窓孔

疎櫺誰擊破破處紙飄飄斜月穿金線微風響玉
簫窺晴憐客悶避冷惜兒嬌最喜梅花近飛香入
酒瓢

送吳蘭谷歸澧州

此去過衡湘悠悠道路長幾年倦爲客今日喜還
鄉春浦芝蘭秀秋山橘柚香無由重面會別後漫

相望

用韓昌黎韵餞王本齋平討爲容今日喜
濛濛曉色霧連天南望雷州路八千此去不知行
幾驛便歸可待滿三年山遙鴈斷衡陽外地暖梅
開臘月前早晚朝堂聽天檄願傳回信到吟邊

九日舟過彭澤縣懷故鄉

大江西望水茫茫蘆荻蕭蕭兩岸霜喜有順風連
十日恨無好酒過重陽歸來陶令今何在老去杜
陵空自傷回首姑蘇白雲下籬花今夕爲誰香

福山館中書懷

半生落魄走江湖對月臨風酒一壺自笑竊脂聊
啄粟誰云老馬願爲駒薄租稅稻今秋熟本分漁
樵何處無趁早束書歸舊隱閉門閒坐守丹爐

秋夜偶作

縛却心猿不動搖坐來方覺夜迢迢錫縈膏盡燈
花落瓦鼎灰寒香篆銷滿院西風吟蟋蟀半窓斜
月印芭蕉靜中識破紛華境萬事從今付一瓢

送王本齋宣副赴江陵

大江西望水悠悠三楚南來第一州
寶布不勞將錦換丹砂可待致書求
閒時須運陶公甃獨夜莫登王粲樓
見說東湖多好景藕花香裡恣清遊

次韵答孟能靜總管

猶記對牀風雨夜西窓剪燭話綢繆
重來彈指十年夢老去嗟余兩鬢秋
唱和共添新賦詠情懷不減舊風流
明朝有約須沉醉預折花枝當酒籌

冬日與邱竹徑陸萬閒行至和靖書院見壁

間楊中齋詩次韻題其傍

山村欲雪景淒涼寂寂書堂草樹荒
獨坐空齋琴一曲隔牆風透煮茶香

暮春有懷

碧桃落盡春歸去處處樓臺鎖綠陰
終日倚闌空悵望遠山重叠暮雲深

贈雙鳳普福觀道士唐梅月

精神灑落如寒月標致孤高似老梅
半夜玉壇猶影下天風吹送暗香來

贈華陽道院琴士商碧山

來往晴嵐縹緲中滿身空翠濕衣濃相尋欲聽蓬萊曲還在華陽第幾峰

題新里菴上人禪外樓

香篆消來日未曛數聲啼鳥靜中聞山僧定起應無事閒倚闌干看白雲

俞仲溫

仲溫字子玉石澗之子淵源家學湛深經術於丹砂化煉之方嘗試確驗終不肯授人元時舉爲平江路醫學錄

答二子

二子來問道道豈可空言細而入芥子大而妙無垠共參造化妙直窮天地根握精守元海放神超崑崙于焉識坤復玄理函貞元旣知火候秘清濁辨水源至道原不遠至言本不繁要子釋衆惑與子鄭重論我家林屋山白芝燦朝曦陰森橘柚林窈窕舟里村緬茲湖山勝足避人世喧歸歟媿遲暮猿鶴候山樊

答僧問

衲子問儒理頗知墨卑卑不知道在心見心即見
尼如求性空外片心還自癡

擬題桃源石壁

世已非秦世人猶是古人爛柯還有奕煮石向無
薪流水長存月桃花不記春乾坤自然別雲卧息
諸塵

俞貞木

貞木初名楨以字行號立庵又稱洞庭外史石澗
之孫修身砥行績學能文無忝乃祖家聲洪武中

仕樂昌都昌二縣丞以終

包山精舍屢縈余懷賦示止敬

精舍包山側緣厓曲路微到池雲弄影入戶月流
輝烟靄青蘿屋山圍白板扉松杉寒愈秀猿鳥靜
相依境勝忻神適情忘與世違莫爲簪紱累期與
爾同歸

太常高先生與僕別久矣音問不通者餘三
十年喜聞還朝入翰林升太常身登青雲每
垂念故舊觀其贈孟敷之什眷眷而不相棄

雅度如此何可得乎孟敷俾余次韻余病不
作詩久矣喜公之情懷意氣勉用韻以寫我
思非敢云詩也

太常列仙侶職優遂初心置身清切地思遠豁塵
襟相違三十載媿我雪盈簪雲泥渺相望一升還
一沉自憐老疾并昏眊非所任林卧咏太平時時
自哦吟賴有同里士乘閒每過臨

題畫二首

澄江積雨霽蒼茫澹秋色蒹葭映洲渚烟消水光

白漁舟日夕歸却載幅巾客扣舷歌滄浪月上楚
天碧

青山映嘉木烟光涵碧虛偶來憇石上綠陰落衣
裾流水屢曲折飛雲還卷舒凝望不可極佳趣與
道俱

洞庭兩山圖題贈葉煥章

差峩洞庭山峙立太湖上巨浸三萬六千頃七十
二峰森相向烟濤雪浪相擊撞晴嵐昏旦千萬狀
重重嘉樹靄碧雲杳杳窈窕連深邛我聞月明無

犬吠民安樹藝課子孫洞天龍宮深莫測石燕拂
雲不可入毛公壇上松風寒時有仙人相對奕莫
釐將軍膽氣雄奉檄坐鎮東西峰將軍好文不好
武時聽父老歌年豐旌旗輝日照岩谷角弓弛絃
矢在服山民無事若桃源由來淳朴成風俗我本
西山小步民結綬去家今幾春先人古墓在陳巷
只今誰爲掃墓人將軍愛民恤勤苦山民戴之如
父母嗟余何日歸去來結廬仍住山之澗

送顏新民之京師

好雨初晴春水生江邊送客上神京沙鷗泛泛背
人去官柳青青拂棹輕離燭已殘猶惜別深杯欲
盡若爲情此行早寄登瀛信衣錦重沾雨露榮

顧定之墨竹

風林秋影亂月浦夜光清知是湘君過雲中環珮
鳴

歸來

歸來三徑未荒蕪古木幽篁宅一區老去揮毫忘
世事清風依舊滿南湖

題倪雲林畫

棲神山下玄元館華表巍然鶴未歸寂寂小亭人
不見夕陽雲影共依依

趙仲穆畫馬

房星方墮墨池中飛出蒲梢八尺雄想像開元張
太僕朝回騎過午門東

俞喆

喆字希孟號釣月叟石澗之後成弘時人

客中寫懷

客裡逢春只自悲小窓獨坐嘆支離人情已覺非
前度物色還看似舊時幽谷遷喬鶯出早空梁別
壘燕歸遲不多鏡裡青青髮誰道年來半似絲

七十二峰足徵集卷三

武峰吳定璋友篁蒐錄

夫椒徐兆龍起田編訂

許必勝

必勝字克之馬蹟山人登宋紹興乙丑科劉章榜
進士殿試第三人太守李餘慶號其鄉曰迎春以
榮之仕至顯謨閣待制方正忤時拂衣歸里始居

大墅灣

山中雜咏

七十二峰

馬蹟山

卷三

久病鮮塵事溪山遂相安欲知生息意自樹庭中
蘭靜睹花葉榮春風吹亦難新禽弄佳吹小水生
微瀾同在天地中安能測其端夜澄衆境寂月小
松聲寒言念御風人感茲清露溥悲來心自微淒
然竟長嘆


月至林木異心空來遠聲草根幽響奏小葉孤螢
明靜念既有在久之無可名輕雲自閒暇坐久山
風鳴微雨偶然過清心相向生

鳥亂南山雲日照南山綠東風語流鶯相吹還斷

續撫彼石上泉平生自云足浮榮不常御迴薄無
停矚苟非女蘿枝焉能事屈曲峩峩高山松漾漾
深溪淥持此雲外心一謝西飛鵠

灼灼山半花閒閒水中藻苟無松栢心飄零向誰
道蜉蝣炫衣裳楚楚苦不保野老惜春色閒籬薤
青草青草忽已繁蘭蕙日已老蘭蕙日已老我心
當柰何人生貴適意所樂豈在多卓然負書翁悠
悠謝山阿

憶舊遊二首



编码错误

懽遊成逝波盛華落殘熒每憶清池遊幽魂夜相
弔與君攜手時雲林正清妙天空露光動襟衫見
高調及來愁病侵瘦骨冰稜峭君如鏡中花獨向
春光笑荒村酒味薄沉憂何時療日色不入夢高
星凍青耀空枝吟霜風永夜興悲嘯嗟峨金張第
忽成野田燒安得明月中長見君年少

孤桐飽秋風響作霜天鴻手翻九嶷色下墮瀟湘
中誰言一寸路不成西與東誰言少年時不成衰
老翁欲使膠漆意通君山水衷嘗恐金石奏復爲

鄭衛工所悲百年內徒然羨華嵩華嵩有終極愁
淚終難窮愁淚一入地春風無碧叢

舟行

雨脚天東來驚鳥烟中起須臾四山合萬象空濛
裡孤行念遠村見樹聊自喜浪遊豈無因遇山則
知止稜稜雲外峰與我心終始日暮宿田家田歌
正清美何以途路心歷亂如流水始疑車馬上未
必見君子行當弄輕舟隨風問蘭芷

除夕

多病成懶疎日月忽驅逐家人歎陳迹灑掃新我
目爭此須臾閒擾擾競多福習氣變性情不復生
慚惡幸有一樽酒可以寄清穆夜靜天四垂星光
就簷屋燈燭忽空曠琴書轉幽獨休心薇蕨內庶
免營旨蓄鳳凰鳴高岡貽笑于雞鶩得終歲寒心
尚愧庭前竹去去天台山幽蘭會當馥

春日作

雨過驗庭樹始知春氣還造化不相限隨意成斑
瀾蒙蒙一寸枝新故傷其間四時遞相見花葉了

不閒安能待頭白然後凋朱顏陽春久斷絕夢想
見弓彎醉後發高唱狂句請莫剛不貴文字奇貴
使耳目頑從來賢智出不與庸俗關性情通草木
羞辨魑魅奸周道滿荆棘岐路盈海寰舉足何所
蹈歸去天台山

苦雨

積憂遂成陰昏色遍蒼莽我醉憂已忘天地當開
朗何以酒醒後猶然在簷上云是方春時暗助草
木長凝陰而無陽亦非善培養豈因世道非寰宇

盈翹颺日月不照臨星辰羞布象每睹萬類心俱
稱上天廣移轉亦何難夢夢如抱快地底周雷聲
驕鳥絕心想四望如無餘舉意同羅網安得最高
峰雲外獨來往

睡起

睡起日滿窗蒼蠅黃蜂如沸江莫言閑人得睡足
夢到封侯亦勞碌隔壁棋客時落子功名事業此
中已巫山洛水香成陣天上曉雲為翠鬢

新月

偶向樹中見知從水際生葉翻寒不定雲去意無
成亂石流泉影空山落子聲當年眉黛在定見可
憐情

寄山中老稚

客久歸無計家書懶再看寄聲花鄭重為報竹平
安詩酒吾能老饑寒汝自寬今年新釀熟收拾釣
魚竿

閨怨

房櫳微雨過蟲思草根深門外青苔色無人閑到

今換衫依暮冷開鏡倚秋心別意猶能在應來夢裏尋

贈友山二姪

聞道春來解問經整衣矩步學趨庭雨餘應惜塔前蟻月落休輕案上螢自笑顛毛容我白且留衰眼為伊青熟精文選吾家事早向秋空試鳳翎

祥符寺得句

安疏自足慰平生峰靜松閒澗水平山意悟時僧不語落花聲間梵音清

題画

傍岸參差築小亭山深樹暗水泠泠此間應有神仙語先向圖中試一聽

許文琮

琮字季玉號默齋克之之子年甫十八登宋乾道丙戌科蕭國榜進士擢知制誥後忤權貴謫知汾州

感秋詩

風動蘋起雲光在水荇蓼有心清我眸子白露在

衣秋心易微冠兮佩兮君子當饑
小草在砌顏色常好豈無嚴霜先彼長栲寄言青
松斧斤自從子不在山直節安庸
風起木悲菀焉者歆故鄉在念何以視月衆念思
歸鳥情望碧嗷嗷鳴雁集彼中澤我獨伊何罹此
網羅父兮母兮生我實多

淥水詞

綠沼迴波漾青艸鷓鴣聲緊蓮枝老苔陰欲上簾
影低鳥語催人天未曉曉起輕寒柰薄羅風前縷

帶不勝波練裊香動竹葉小玉燕斜簪霧色多霧
色花光鏡裡過年年歌吹復如何妾身不及桃花
葉猶逐輕風渡隔河

憶遠曲

露下花寒香不起單羅輕薄如秋水梧桐聲定金
鋪關長省對月青天閒淚眼看春不知處楊花化
作浮萍去可憐環珮參差光采蓮獨自艷南塘菖
蒲如劍南塘曲亂割波文碎空綠今夜音書欲寄
君莫教疑殺鯉魚羣

山中懷故人

歡多清景略會數別離輕病骨無人問空山正月
明落花懷舊韻鳴鳥感新晴再看思君處流泉石
上平

連雨有感

酒醒雨聲至新歡不可尋美人惟草色故國聽歌
聲日月何處盡荆榛連夜深開門謝天末從此罷
登臨

草長城南地愁人看自深白雲偏向淚青鬢獨驚

心久病畏陰濕家中獸苦吟今宵酒不盡應有杜
鵑聲

江上對月

今夜江邊月光輝分外明一輪懸碧漢百里見山
城岼岸花添白層層浪轉清遙憐閨閣裏相對重
離情

夜宿祥符寺曉鐘有感

一枕松風入夜寒曉窗殘月隔簾看夢回竹榻聞
鐘後悵絕浮生出世難還念將軍能捨宅何妨陶

令未之官此身合向山中住邱壑由來號易安

阻風渡頭見楊柳

古渡疎楊數樹青孤村細草凍還醒風光直欲催
頭白樽酒何人肯放停小院腰肢今寂寂天涯魂
夢幾冥冥閨中莫道長相憶客路悲風徹夜聽

雲山閣

雲山依舊接清秋高閣荒榛悵舊遊二十四橋何
處所西風吹盡白蘋洲

隋堤用羅昭諫韻

萬樹青青入望遙行人猶自說隋朝啼鶯不管繁
華歇還帶春風上柳條

感舊

捲簾新月在簾鉤花氣同風過小樓為憶昨宵燈
下事不將紅燭照梳頭

閒窓落葉掛蟲絲坐久還疑是舊時記得欄杆垂
手處梅花明月第三枝

許理

理字輝之號懷古克之十二世孫少游郡庠博學

工詩有近山草堂集

舟過梁溪望錫山不及登二首

古寺隣愚谷浮圖踞碧岑鐘聲林際出山色望中
深歸楫煩相待名泉喜獨尋倚舷愁欲絕搔首
長吟

錫山誇絕勝蒼翠倚雲巔鳥沒寒烟外僧歸夕照
前松濤聞隔塢梵韻散諸天幾載登臨約從今更
惘然

孤邨即事

新堤圍斷岸疎柳倚孤村沙路多連水漁舟半繫
門風輪雲影亂牛背笛聲喧努力勤耕作妻孥幸
共存

渡湖

帆輕風正便百里一時閒落日明寒浪輕煙起暮
山村低紅樹隔沙靜白鷗閑遙望峰巒美分明列
翠鬟

夏日久雨

五月龍行不受律離披二麥隴頭橫野塘蛙黽繁

音亂山徑莓苔厚綠生風勢急吹雲外點雷鳴猶
帶水中聲如何八口嗷嗷日偏吝吳人十日晴

遊蓼莪古刹

到來杳靄午鐘深石磴無人覆綠陰紺宇重重雲
外現泉聲細細澗邊尋廊迴曲徑通春殿苔護殘
碑倚暮岑竟日登臨憑弔處天清雲影落衣襟

暮雪

露灑寒霄隱碧蘿迷漫何處辨岩阿讀書此夜臨
窓好高卧頻年閉戶多空憶閒庭吟道韞却留禪

榻伴維摩徘徊欲操幽蘭曲極目關山奈晚何

寒夜歸咏

細竹覆簷深清池曲廊繞踏月醉歸來寒林驚宿

鳥

許銓

銓字文衡懷古之子力學尚志不屑浮名每與知
已徜徉山水棋酒爲歡自號半閒居士

過棲雲禪院

閒居無一事隨步到禪林竹密侵雲影風清散梵

音息機情自澹閱世感何深羨爾披緇侶幽棲近
碧岑

重九遇雨午後忽霽擬欲登山未果

天際浮雲捲清光雨後生雁翻沙浦淨日出翠微
明興欲登山醉朋無落帽羣遲遲黃菊下搔首獨
長吟

深秋

風聲獵獵響林端舉目蕭疎不忍看野外飛鴻歸
別渚庭前落葉繞欄杆芙蓉帶雨秋江冷籬菊迎

霜夜月寒不是秋來憐宋玉祇應風景易凋殘

許道中

道中號質齋必勝之裔永樂乙酉舉人任河南衛
輝府新鄉縣縣丞始遷耿灣

華州道上見落花

長安行近始知春更惜飛花點陌塵秦苑綠蕪芳
草路鄭亭紅醉曲江濱雲歸泰華晴初轉風入咸
林氣已新却憫道旁扶杖者犁頭無雨正含顰

寒食次韻

炊烟帶雨柳絲輕斷壠荒畦細草生
麥飯悲同離黍夢杏錫愁入賣花聲
爭持社瓮尋陶令擬補山廚醉步兵
輦鼓江關正蕭瑟幾回吟望暮雲行

却笑二首

却笑囊空看一錢
饑餘曾不受人憐
三條枯篾圍便腹
幾點疎星憶比肩
從者病如陳蔡日
兒曹車發鴈鴻前
以溝獨耻人饑溺
贏得香厨減爨烟
却笑閒堆百屋錢
人憎鬼瞰得誰憐
印刵不與終
瞋目買菜求添任
聳肩蟣蝨腎腸安
所見驛驢道

路獨無前玉魚銀雁成
灰燼都付咸陽一炬烟

七夕集明月堂即事

風吹荷浦早秋生
細雨輕雲取次行
河鼓似催星駕近
月弦疑避燭光盈
一尊獨酌判花醉
再拜非因送巧情
冷淡為歡還我輩
促將新句破愁城

過韓侯嶺

嶺上有淮陰侯廟土人祀之相傳首丘於此

弓藏鳥盡事如茲
俛首初非失路悲
食德已酬垂釣日
論功庸數立壇時
楚平未許留人傑
漢沒還存異代祠
獵獵靈旗孤嶺上
忍將成敗問雄雌

三山感秋
雲封疊嶂遶巘城帶礪初開玉帳營海國塵清皆
嚮內流亡土著盡安耕輕寒莫畏青裘敝殘暑能
催白髮生極目關山恒北望雁飛今已向南征

許繩武

繩武字作求號惺劬道中五世孫天資穎敏讀書
過目成誦為諸生詩古文辭矩矱於荆川先生而
時有自得之趣與人交誠樸無偽嘗以附近廬舍
典于醫者毛敬字得價四十千敬字不戒于火燬

焉恐恐然懼惺劬之責償也惺劬往慰之曰君家
所失吾不能計典價吾當奉還已而遺書與子鼎
臣曰毛敬字屋失火吾爾自當再造耳其厚道如
此後以子鼎臣貴封行人司行人兩舉鄉飲大賓
年逾古稀猶嗜學不倦吟咏不輟其遊兩洞庭諸
記世尤稱之

洞山

雲為邱星為典天地大文舒復卷龍威文人竊素
書逃入洞中時獨展穿雲穴海霄漢連七十二山

收一繭闔閭小兒不解事強求百六知深淺浪打
梧宮日夜秋石頭自語無人篆

石公山

蛟腥龍沫鼓擊鼉三萬六千爭錯磨吃爾中流戰
白波獰龍睨之無敢何噫生萬鼻雲歸頰一夜雷
兩神靈呵卓哉壁立真丈夫端笏拜之汗浹膚與
汗上下胡為乎

渡太湖

天水一相接雲日吞吐之浪底吳王宮浪頭西子

眉當年樂事幾銷沉惟有浪聲悲不止我今乘月
掛孤帆胥耶蠡耶問諸此

震澤歸舟遇雨

為踐湖山約歸舟巨港東一番花信雨兩岬石尤
風水濺春衣濕溪環晚樹蔥石根維短攬覓火坐
談空

寄鄭季真

季真恬雅士邱壑在胸中遠憶千竿竹高情半嶺
松尋山先拜石落筆每生風別後相思處難忘縹

縹峰

包山寺

入山不見寺行行疲石齒何處有聲來輕風落松

子

雪浪啣雲根風來石愈怒空山何處鐘水月奏韶

濩

許鼎臣

鼎臣字爾鉉號定于萬曆丁未進士初授行人司

行人遷吏部時端拱日久中外泄泄鼎臣于宗社
安危諸大政言之剴切致愠群小堅請歸養家居
十載起光祿丞會璫用事鼎臣抗疏論之忤旨予
閒歸里崇禎初起本寺少卿諸璫聞其名莫敢橫
索節省歲以萬計既而受命撫晉陳便宜六事首
列蠲租以恤窮民使不從賊未幾寧武遂平罪帥
尤某以金賂要人欲飾敗以為功鼎臣獨持不可
由是失當事心凡上疏請賑請蠲皆不報未幾有
協勦豫寇之命鼎臣以和順等縣處山谷間接壤

中州檄兵駐防而直指竟撤兵回省以致和順失
 事監璫遂迎合要人意而劾去之在晉甫十月先
 後八十餘疏具得欵要而掣肘牽制不得施用知
 者惜之居家七年卒崇祀鄉賢晉省祀名宦

華陽玉柱二洞

混沌既已死人生竅有七山乃仙之身竅穴亦匪
 一華陽與玉柱鼻孔雙呼吸王母宴其中群真往
 來密秉燭叩玄扃俯躬慙肉質息念定神光罡風
 吹豈炷諒無元放勞天門開且必

左元放瞻禮五
年洞門始開

喜客泉

仙人唾沫皆成珠谷底倒傾如沸爐鏡光濯濯清
 我汗觀者各自鑿眉鬚孰為道釋孰為儒衣裳楚
 楚冠纓徒徘徊照影慙非夫夜行不止何其愚垢
 穢滿腹痂滿膚泉將厭客何喜乎客來問取壺公
 壺洋洋可樂忘饑飭朝飲一瓢暮一盃與泉終始
 相歡娛泉之喜客乃不誣莫令移文嘲客逋

過乾元觀

夕陽迷鳥夢紫杖可能逢只似花流片依然路未

通茶香蕭寂處山色有無中信步穿雲入摩碑數
落紅

禮大茅峰

年將五十漸知非稽首名山息世機青鳥代傳瑤
島信白雲裁作混元衣月懸鐘磬諸天寂語接星
辰列宿依九障何能從此闢不妨白日遂同飛

小遊仙

玉局諸曹少靜居孤茅無繫即清虛不希天上瑤
姬樂願讀人間未見書

蕊珠仙品級何多浪滾青山日夜波緩尋一片閒
閒地不屬諸天自唱歌

許鼎元

鼎元字爾調鼎臣胞弟為縣諸生鼎臣既貴顯鼎
元益奮志攻苦若欲與兩蘓二宋爭馳而數竒不
售老於青衿

探華陽玉洞仙人三洞

大地本來空人盡空中翕五濁攝心腑妄自相掇
拾如蟻攀壁行一步一迴吸維仙示身外權將空

洞蟄借地表虛明豈真於掛笠愚人多妄想指為
仙靈集雲端白鶴回長嘯數聲泣

送友歸江右

西江才子南蘭客歸倚篷牕問水程五柳宅餘風
氣古小姑山擁髻鬢清恰當飛閣流丹處何限停
撓把酒情一路綠楊深樹裏新蟬無數續啼鶯

許新民

新民字化成號慕齋克之後裔明嘉靖間補邑弟
子員食廩餼讀書南監六躡場屋齋志以沒所著

有麟經宗旨四書說約左氏要語通鑑舉要焚餘
草

謁丁大參墓

人向翠微行穿雲遇曉晴碑殘苔有色春去鳥無
聲往昔登科晚於今宿草生大參如可作國計定
關情

菩提樹子為祥符寺僧賦

靈根原是上方來疑是彌陀佛手栽顆顆圓通真
舍利纍纍西向自天台馬君薏苡空生謗石氏珊

瑚有後灾惟此菩提真色相明光一點照靈臺

寄弟

飄蓬書劍各天涯雁帛重封未到家吟到草塘頻
入夢有懷清夜落燈花

許世泰

世泰字時雍號桂軒克之十四世孫少與荆溪杭
濟兄弟同學杭深服其才數奇不售隱居課徒深
究理學著有桂軒集

寄食

謾寄食郊西晨昏得笑啼堪歌楚狂鳳誰話丈人
雞尤怨心將氓險夷道可齊試看春水發屈曲盡
成溪

石宕晴雲

天然古宕逼雲端半點塵喧迥不干出岫影隨飛
鶴去隋巖腥逐老龍蟠濕涵花露侵衣潤輕帶松
陰落簟寒老我不時為樂去放懷詩酒稱盤桓

劍芒筆寒味如不知
辭去簡筆風送清
天然古字與雲嶽半
子安部

大
天
西
甚
風
人

七十二峰足徵集卷四

武峰吳定璋友篁蒐錄

同里陳猷漱霜編訂

賀廉

廉字以清東洞庭查灣人邃於易學永樂癸卯中
京闈第二授連江縣儒學訓導陞代府紀善仕至
福建按察司知事為人方嚴簡靖與時不諧故官
不大顯歸吳杜門不出以經義教授鄉里多所成
就所著居樂集

讀易感興

義皇始設卦立象本無言文周興中古繫辭何其
繁拘美與徂東雲水同覆翻矧伊衆庶士擾擾憂
患纏君看夏王鼎早已鑄神姦泗水一淪沒魍魎
誰爲分
元公繫爻辭一一剖吉凶三百八十四擬議將誰
從宣尼戒觀玩獨以七爻論樞機榮辱地語默禍
福門謙恭與慎密一篇三致言智哉辛憲英讀易
明大原生逢變亂日訓子尤諄諄如何冠冕士迺

不肯書紳

季主昔高蹈率然栖卜肆翩翩二大夫退食枉車
騎從容聞道論與世豁蒙蔽公明云善易直談幸
不墜哀哉郭景純竟受奸豪斃我欲效龐公攜家
鹿門住

九日次懷玉韻

客窗風雨夕孤戍海峰邊九日無萸菊三秋有瘴
煙浪聲雄拍岸蜃氣暗連天剪燭欣同爾東闌話
不眠

賀元忠

元忠字澤民廉之子成化辛卯舉于鄉壬辰成進
士官行人御史巡視漕河歷廣西河南按察司僉
事雲南按察司副使備兵金齒所至著風節多惠
政歸日滇人醵金為贐悉不受諸蠻為作却金亭
山人朱鳳章有詩云吏勩如公著汗青空山誰勒
使君銘辭金又復同楊震留取乾坤一草亭林居
二十四年而卒年七十有八

遊彌勒寺

踪跡年來隘九州飯峰回首重追遊榻前燈影詩
仍在世上塵勞役已休野鶴莫疑心未穩懶禪真
與性相投更添天竺先生訣浪蕩乾坤得自由

送郭子聲朝天

子聲名鏗恩縣人

平生清望重臺綱勁節稜稜百鍊鋼西蜀有聲傳
白雪滇南無地不春陽
聖朝當宁躬宵旰廊廟趨資拔俊良此去萬年稱
慶後漢廷指日起馮唐

賀秦

泰字志同號古迂元忠之子成化癸卯鄉榜弘治
己未進士由衢州推官遷至廣東道御史武宗初
太監谷大用劉瑾等專權亂政導上盤遊公疏糾
六奄直指君失上怒予杖罷歸直聲震一時後瑾
等敗起南京刑部郎中尋以御史按閩累遷至廣
東布政使司公敷歷中外不畏強禦人聞其名曰
此彈皇賀御史也歛跡避之引年致仕歸構三卯
堂以誌祖孫父子皆以郊年登賢書之瑞云

王少溪招隱園成賦贈

移得淮南招隱山林泉幽意便相關凌空巖岫雲
隨起倒影樓臺水自環画裏蓬壺餘想像會中耆
舊共躋攀興來擊壤歌成處彩服爭趨鳩杖間園
有擊壤草堂

遊彌勒寺

暮春猶是踏青期古寺重來滿目詩山水有名從
禹貢庵寮重建紀梁時黃金地上侵花雨白鳥天
邊妬鬢絲簫鼓相將歸已晚舞雩高咏未應疑

贈周春山

春山轟轟點滄溟一朶芙蓉玉削成燕國漫誇鄒
氏律草堂合擬大裘名採芝遠躡雲霞影倚杖間
聽鳥雀聲從此棲心忘歲月塵氛應不亂中情

賀承宗

承宗字宗振父公宣學行為三吳先進明初以文
學徵授江陰訓導歷南京大理評事卒于官承宗
方齟失怙恃困窮砥礪時舅氏錢紳以訓導司鐸
蘓學承宗歸從之游江陰薛伯潤憐其才妻以女
授以田廬承宗耕讀無斯須自佚宣德初朝令勾

缺伍命御史李立至吳清稽赤籍持法峻同知張
徽以暴濟之有伍符者與賀氏素有隙嗾里胥搆
之徽逮承宗加酷刑焉伏闕上疏者再事雖白猶
引例充蘇州衛歸則士子受業者盈門教授于家
三十餘年年八十餘子二甫庸俱有文行孫恩領

鄉薦第一

桔槔歌

機不必朝與市桔槔設于野無逍遙
機不必市與朝桔槔設于野無君子

不問居偶題

地幽三徑僻廬結水雲鄉樹密山藏秀花繁草亦

香腫腫旭日影藹藹生林光主人恒睡起朗誦聞

菴堂

賀萬初

萬初字南宮

桃花磯社集壽吳餘生

洛社高風憶昔時耆年讌集酒同持幻觀天地心
非醉蹤脫功名寄以詩最少禰生皆白髮長貧杜

老却肩隨羨君獨識桃源路攜手相從愜所期

史 晁

晁字元愷東山岱心人景泰庚午舉人江西南安府學教授

送杜進士父赴京

八月秋高雁影斜行人一騎上京華
三杯綠酒官亭別千里青山客路賒
子顯不須娛綵服親榮應喜侍烏紗
懸知到日如相問為說春來擬種花

史 緯

緯字佐經杜圻洲人南京禮部儒士

題張果入山圖壽姚叟

筇杖蕭蕭鶴髮翁霞裾渺渺珮環同人間原有夫
諧婦世外休談色即空笑跨白驢尋玉洞聞呼青
鳥度瑤宮傷人若問還丹訣渡口漁歌霜葉紅

註姚士父汝京

孔聞徵

聞徵字宗周號鳳崗武山人遊於王姚江之門嘉
靖初為諸生有聲庠序間王文肅錫爵延之王家
塾鳳崗嘗語人曰吾生平無佚遊無博戲無耽飲
舉業之暇陶情於詩吾以詩為佚遊博戲飲具也
取自適焉爾又曰詩心聲也自古作者皆自寫其
心而托之於比興豈花鳥風月云哉有鳳崗集十
卷子貞行編次手錄并識生平大略於後

感遇

鬱鬱久不釋懷忠竟誰陳江湖世逾變當代陋漢
秦天子曰明聖廊廟云有人皇風播沕穆統馭寰
無垠經緯策盡效山林容隱淪燕石與楚璞明昧
各自珍大道天畀重吾儕守其真狂波日汶汶生
齒時鱗鱗感此百歲內嘯歌呼蒼旻崆峒一訪道
顏貌多千春曳杖脫屣去終然謝獲麟

耿耿照我心今夜青天月月輪轉西傾我心還不
沒雲霾萬里淨獨坐見少微歷歷上指斗呈漢交
流輝相映在短褐潤露寒生霏解囊張寶琴今是

還昨非何時與世濶一着蓬壺衣

綴衣

東家紈袴子楚楚行雕鞍西家綺羅兒奕奕馳雲
端爭誇四時樂服美居長安長安聚游俠誰曾問
饑寒老夫一布衣十年猶自看補納百結固老妻
爲心酸不知丈夫志外物非所懽於世苟無補錦
衣慙素餐綴綴亦何害針燈坐夜殘衣完不覺喜
老妻猶嗟歎言長終不解援琴取次彈曲罷發清
嘯慷慨五更闌

南山採豆

蹇遇方息暇逍遙上南山奚僕且不命親將筐筥
間往探地尋丈花落豈已斑白雲蕩湖壩晚風吹
潺湲入荳一小摘自嗟筋力艱不知陶淵明當日
能幾還我齒四十七五斗非所關治農性與契垂
老聊乘閒落日涼月上炎威歛囂頑持筥下山去
詩懷取次刪

讀西金吳氏競爽集

誰云武山眇從來有耆舊運當文昌時二難天所

授開口吐雲霞隱身動星宿氣凌金張前才駕晁
董後震仰一世豪典型多士秀詎知相國王而亦
贊匪謬吾儕今晚生拜賜聞韶奏安得作九原未
學盡成就

再讀吳氏媿美集東柱苦

嘉爾延陵宗先後耀才美何處瑞鳳麟相繼出周
宇內翰絕代無少微亦何化分明韶濩音瓦缶忽
捐耳請君世珍藏莫謂已登梓歲歲有風雷驪珠
懼見取

幽興

幽興莫可適入竹尋新詩題多命不得一鳥鳴高
枝感此遂成句相與當墳麓清風來爽骨明月已
如期

荆山遺玉

君不見荆山玉天精天粹光在璞世人肉眼莫識
之石也卞遭三刖足玉亦不解語依然寶自蓄神
呵鬼護日月相珍重人世何知此玉終大用吁嗟
混世玉常同砥砢儔貴賤由人不自自由帝王神璽

何時收

延平遺劍

君不見延平劍精光躍躍如飛電一朝埋沒入豐
城屈抑雙龍不能變劍亦不解語寒芒凜常現蛟
藏龍伏風雲日護持人世何知此劍有飛時吁嗟
混世劍利與鉛刀同干將莫邪空自雄神物終化
冲蒼穹

焦尾遺琴

君不見焦尾琴析薪入爨無知音高山流水泯意

趣中郎不遇劫灰沈琴亦不解語鍾期難自尋蔡
邕識取一鑿絲桐竅人世何知此琴終古調吁嗟
混世琴師襄去我遠繁音促節新聲轉何處焚香
對嵇阮

義皇歌贈吳柱岳

義皇上人產林屋太阿在匣玉在櫝乾坤隱隱寒
光芒布帛深山侶麋鹿經綸養成補衮手文章藻
麗慚四六青年吐氣吞韓蘓石鼓岐陽筆多禿賢
科初射或中鵠矩矱不躍有司目丈夫讀書企聖

賢焉能呻嗶為干祿自是幡然一拂衣白雲笑殺
青雲非閉門著作長謝客日暮春風詠浴沂忽驚
上帝授兩職捧檄拜賜漁樵歸我聞樂極思君極
碧水丹山願莫違

柱岳自署太湖漁父兼林屋山樵

見山行為朱鴻臚作

乾坤淑氣鍾南服萬里龍山環海屋居停主人樂
一窩青蓮四面橫嗟峨雲連画棟日月長綺疏相
抱山蒼蒼主人幽思起讀書松花落處梅花香半
窗巖月照遺簡古貌古心俱在眼儀刑仰止擬太

山流觀遐覽多自反欲為仁者樂靜閒豁然兩目
超其間越山界破吳水盡恰與方壺負嶠並儲芳
積翠荆石竒墨池常浸烟巒勝觥籌賓主兩怡顏
一塵不見惟餘山志高天下萬物小五嶽如將胸
次繞他日功名屏世紛惺惺收付霸臺君全山不
碍無盡藏弘開三徑淵明文請君此意勿令猿鶴
知移文恐使山靈思

太湖秋行

太湖煙景由來竒况復澄渟秋漾之長空一色碧

萬頃風迴水面寒玻璃玻璃蕩瑤青山濕七十二
峰涵白日凌空倒影絕纖埃網上銀魚跳一尺鱸
肥蓴脆招季鷹西風短棹從逃名汀蘆渚蓼縈曲
嶼漁父停橈星斗橫醉歌深處夜月小玉鏡團團
光自好不羨蘓公赤壁遊世紛都入滄浪了我亦
扁舟時泛陂吟懷秋思追天隨孤清獨鬪橫江鶴
聽罷采蓮飛釣絲船頭故舊多閒鷗四顧文華總
是秋功名夢斷具區水載月歸舟詩滿釣妻孥那
解散人意筆牀茶竈輕行具呼僮收拾檢點明百

年此足聊其生

芳洲篇

莫釐縹緲山之足天然山水成一軸日夜昭垂神
氣新百里芳洲環四屋屋有幽人志趣玄號取芳
洲絕塵俗洲邊何物為最芳朶朶芙蓉插水綠春
雲靉靄幕遙汀水鳥沙頭不獨宿翠翻荷葉來薰
風采蓮歌裡香飄馥火雲斂盡澹秋容濼濼澄波
月初浴紉蘭餐菊未移時雪柳霜楓又娛目幽人
占取四時芳萬卷奇書就中讀功名富貴淡相忘

高卧煙霞侶松竹嗚呼有能襲淦洲上芳山中始
見人如玉

椿石篇為葉工部賦

人言南山有大椿根盤巨石杪拂雲又言南山有
古石雄踞地維鎖鼇極書生神遊欲見之雕鐫藝
苑無閒逸迺逢先生來自南從心雅號號椿石不
見南山今見君信知偉物徵前聞偉人偉物乾坤
並砂礫朽株安足云誰言莊生語不情八千椿載
南華經天長地久曾無紀我思八千猶畸零壯哉

巖巖維石吟詩書迭見非荒音絕天砥柱山海定
混沌無移太古心椿以石為下所憑石以椿為上
有靈四序鬱森紫烟秀萬古仙人鸞鶴停先生兼
之意氣雄心岑高古元太空俯仰一世不朽事惟
此偉物將相從我欲移椿華爾文文生枝葉茁聖
君我欲移石壑爾卷卷留鉉鼎重軒冕高風嶽望
眼如青光映吳山作月明倚椿眠石四體布舉頭
耿耿文壽星

高相雲水吟為休寧孫君作

九天五色雲采開先生浩歌水上來十洲三島水
花淨先生倚劍雲頭並回頭塵世一風萍獨結乾
坤雲水盟先生自合蘇門隱不與江東孫譜并心
上浮雲輕富貴身向齊雲巖上醉餐雲飲水萬峰
前俯仰上下兩無媿有時挾雲到處飛或將止水
吞雲歸歸帶無心雲一片盪滌雲胸霖雨隨為霖
願濟商家早為雨不使蛟龍亂繪作青天雲水屏
前李後杜供詩玩優游聚散太虛間漭蕩東流日
夜間天孫扎弄錦繡杼冠帶山水修容顏容顏濃

淡丹青儼想像萬一而已矣妙幻天然画不成輸
與文章收至理文章妙入雲水中行雲流水何春
容先生即今有子雋他日騰空魚化龍斯時雲水
同不同

春寒

噓氣陽方長凝寒陰尚留乾坤亦無賴吾意獨能
休花恨深於樹風威酷在樓不知調燮者肯自薄
貂裘

春晴

南湖烟水晶繡嶺鬱龍葱氣暖草新綠林酣花欲
紅亂蜂心在蜜高鳥目于空物候看能變灰心愧
野翁

寄王內翰荆石

雨露楓宸重雲霞翰苑高宵衣咨道切山衮得賢
勞輔世須今日成周及此朝巖棲有寒士歲歲眷
綈袍

寄四溟謝山人

海內宗詩伯吳儂遠慕君不嫌無識面如對只須

文池草春應長山花暖自芬凝神更飛夢千里一
停雲寄四冥憐山人

渡沙湖

樹杪薰風夕湖心返照時直憐人盡速獨恨我何
遲縱目非緣景疑思不為詩等閒東去矣此意幾
人知寄王內翰陳公

秋閨

數點西風雨新涼早入帷暮碁何處急寒鴈為誰
悲欵枕燈殘夜縫衣月落時露桐凋玉井臨曉不

勝思

述拙

俯世顏幾老遭時數入奇雲霄違士業煙雨伴僧
碁妙得青山記閒緣白日知無才報明主合有美
丸詩

宿天池山房

何物天池異山空石闢奇泉飛千礪玉雲布萬松
帷地秘疑全洩山靈似有期蓮華峰上月清夢正
相宜

蚤春同葉四可葛芳洲吳柱岳探梅鄧尉山

夜泊虎山橋

明月橋頭滿輕帆湖上來秀分林壑迥光合水雲
迴浩嘯玄心淡高歌暝色開梅花有消息蠟屐不
須猜

月下聞笛

靜對樽前月清聞笛裡風餘音三弄外真趣一腔
中遠近人何處悠揚曲未終飛雲忽停漢此調有
誰同

登山

病減身微健將心與太空物華春域裡山色暖烟
中遠近新文苑疎濃舊化工凝眸收不盡別恨剪
東風

中和橋觀蓮有感

秦淮風起蓼花頭城外蓮塘一色秋映日曉開神
女殿襲人香漫貴妃樓為誰種植年年在邀我吟
看故故留欲待引流通百畝却聞租屬內家收

讀陽明師文集

夫子當年一大儒，無人與說良知先。
憂祇為尊吾道，後樂何心定出師。
緩帶日閑戎馬政，雅歌時賦故園詩。
即今洞古陽明地，桃李春來尚有枝。

燕來

吳山花木正春深，元鳥來時也為春。
如約本憑三月社，有情重說一番新。
差池任作常年客，瞻戀還依舊主人。
莫道相逢無感慨，幾家疏薄幾家親。

太平門秋望

玉塵麻衣展客遊，不禁一望帝城秋。
林疎樹杪紅

初染天入江心碧，倒流宮闕盡南容。
我賦松楸皆北問，誰愁登臨思渺獨歸去。
回首豪吟月滿樓。

寄真定尹近湖顧公

凜凜清輝映草堂，君今能記幾星霜。
功名到手七科轉，出處撓情一夢長。
雲壑檢書猶獨隱，天街走馬不同方。
可憐三月桃花浪，無數龍騰接鳳翔。

秋山暝歸

蒼蒼山色暎斜曛，黃葉隨風出暮雲。
月桂不堪垂老望，霜碁那遣帶愁聞。
秋光改物江同淨，詩思凌

空鶴共羣天地此時初氣肅夜歸明火自論文

秋夜

宇氣蕭蕭白苧涼銀河西去夜初長千秋蛩響由
來切萬里羈懷各自傷遠憶昔年燈火讀空悲今
日鬢毛霜聖朝馬政修明未已報盧龍塞州黃

病起適葉與山過談

風雨瀟瀟入麥秋草玄筆在寄羊裘無書可重三
台宰有道還輕萬戶侯花鳥頗知今日病文章曾
識此生愁近來勘破寰中景一點浮雲過即休

絡緯

紡動秋風夜氣清化工別作一機聲無絲月下空
紉繹有錦雲中待織成轉轉不須論文尺皇皇如
欲急功名萬家懶婦應相妬獨與嫦娥伴五更

題陸村平画

山勢北來峻湖天南去空時當綠陰候聯絡數帆
風

峭壁橫空掛疎林帶月輝湖天元自濶一隻畫船
歸

了味

平生厭飫五車書不羨侯門食有魚贏得滿腔恬
淡味采薇歸去北山居

飽得詩書一味香醉來常自作瓊漿而今又得玄
中澹退步知幾味更長

對鏡

塵埃滿目長思閑對爾無塵烟若開豈是吾心真
有閣一離君面便須猜

越溪夜泊

溪橋明月坐中天春酒春風滿画船醉與山靈成
一嘯四山鸞鳳盡騰騫

春宵同吳柱岳葉四可酌梅下聯句

氣淑芳春首青陽左个開柱岳龍光驚客動鳳詔望

天裁鳳崗勲業仍先拮文章接上台四可德星先兆夜

相業預占梅柱岳書館清依樹家山僻入隈鳳崗雷陳

欽古誼韓柳尚新才四可消息燈花喜豪華詩意恢

鳳崗清談輕屑玉巖令疾啣杯柱岳月下情諧友花間

人占魁四可春風應是舊画燭未成灰鳳崗步驟飛彤

七十二峯

武山

卷四

管醜醜倒石壘柱焚香消更續散帙理還堆四浪

謔辭鋟骨追歡笑啓腮鳳六經成貯腹百祿總凝

治四既醉從先倦長吟許後陪柱黃鍾期用日瓦

缶絕鳴雷鳳動止雖同俗風標已出埃柱四更山

色暝飛夢遶仙臺四文章對上白四新皇大決

孔貞行首青湖五个關林歸大歸容歸歸

貞行字道行別號湖天歎父鳳崗之子葛震甫之

師也少負雋才豪傑自命太倉王文肅公鳳崗友

也萬曆中以通家子禮謁文肅于京邸語竟日文

肅曰奇才也遂薦之薊遼幕中參贊軍事多所裨

益一時大帥如戚南金李如松李晴岡陳理卿皆

尊為上客而與孫吏部栢澗李禮部肖衡趙禮部

定宇石兵部拱辰尤契合其論邊事封貢諸書侃

侃數百言皆國家大計時文肅已致政歸諸公雖

聽其言而當軸者姑務苟安輒寢其議在塞上先

後十餘年既噤不得施用念親老遂拂衣歸構屋

數楹于射鶚山傍扁其堂曰芝秀齋曰怡顏曰香

夢日與張希明鄒舜五葛震甫吳凝甫倡和為樂

迨鳳崗歿而獻父亦倦遊矣因輯其生平所著塞
上稿十卷香夢齋稿六卷園居草三卷磊塊瑣言
一卷陰符心鏡一卷赤蹄錄一卷續洞庭清氣集
二卷皆自叙其端生平出處歷歷可考

贈遠

青天流蒼雲片片散瑤綺隨風東南來歛忽越萬
里光景易言邁美人隔湘水遺我琅玕枝緘以雙
鴛紙情深語不竟髣髴啼痕紫重惜紅顏衰更悲
遠遊子春華幾銷歇棄妾如桃李桃李雖弗榮托

根自相邇江水浩莫回江雲去無止感此意頽然
椎心結終始

夏夕

蟬響在高樹入夜殊未休羲和竊日威炎虐彌九
州神疲詎能寢多蚊苦相讎人生血肉軀垂老百
不謀惟此寒與暑大瘴增人憂移枕開北窗竹風
來颼颼但取一隙涼如獲琳與球嗟彼趨附者揮

汗成雨流

賦得春草碧色送別鄒舜五

東風轉燒痕和烟帶平楚一碧自成色誰識王孫
苦莫道未萋萋孤帆在南浦

看劍歌

我觀歐冶直奪陰陽造化之至神不然何以使蓮
鐔熒熒而動九霄之星辰醉來起舞驚四隣冰光
寒鑠蛟龍潛鱗平生入眼無其倫會當攜之靖風
塵四顧茫然妖氛蒙邊塞而我山阿食貧

遼城行

渾河揚鞭醫閭塵漲天遼陽失守山海開神京窺

逼不同旋國無兵兵無將誰其為保障小人懷杞
憂水泣山愁兮安可狀

檀州歌

舊城新城說檀州巖巖開府威王侯期門材官飽
食遊馬蹄踏遍溪山頭吁嗟馭客多煩憂

寄塞上諸將軍

洮西獵獵秋風高將軍寶弓懸雙雕黃沙如金耀
日色一望千里皆蓬蒿番人漢人兩無忌長河界
斷中華地惟有天家雨露饒卻與胡兒為互市秦

關趙塞英雄場五原白骨真堪傷血流應有化爲
碧誰能作厲猶勤王蒙恬古城在何許毳帳新從
漠南起諸君莫謂胡無人好飭材官守邊鄙

相逢行贈戚將軍

長安飛塵十丈紅楊花落盡遊絲空揮鞭躍馬輕
遠道百年俠客欣相逢丈夫意氣自傾倒曾吞海
嶽乾坤小放歌醉擊白玉壺分明世事多草草檀
城城西烏亂啼疾風時來雲欲迷故人尺素總斷
絕剖心何似新相知平胡不用將軍老東陵種瓜

勲業蚤旄頭昨夜漠南低惟有長河亘天表長河
迢迢隔女牛共君爲歡離勿憂古來良驥志千里
歷塊豈作蟾蜍流榴花點破綠窗色朱光倏忽真
堪惜眼看志士俱未平却使霜蹄溷槽櫪牀頭寶
刀時一鳴壯氣隱隱風雷生陶然且飲杯中酒與
爾同消無限情

除夕同陳二丈對酌因思老親漫興

人生不滿百安得百除夕歲除還復來虛生實堪
惜高堂有嚴親不能侍其側西山日云暮喜慰兩

交臆親飲屠蘓酒兒為遠方客念茲迫中腸勉旃
須努力貞下仍起元冥理頗可測且畢今夕歡對
君共浮白薊門楊柳多明朝驗春色

讀李杜集用拾遺羌村韻一首

迹涉幽薊途琴書獨成趣冥心事窮討客愁聊復
去長庚本天葩子美若瓊樹身竄豈忘君時危總
關慮隴山盡西向湘水日南注我亦有柴門花發
已春莫

人日有懷

朝來多天風遊子身萬里流光感飄忽陽春復盈
宇豈無故鄉念故人在何許殷勤問梅花欲折誰
為侶

憶別

憶別迢迢四千里征鴻飛絕寒雲起蓴鱸正美不
歸來相思空落吳江裏吳江濯素多佳人臨波自
惜朱顏春長安遊子豈不念當時一誤投迷津燕
山蒼蒼歲云老牛羊滿地無青草胡兒鳴鏑窺漢
關將軍夜夜巡邊早城頭鼙鼓轟如雷敲鉦擊柝

去復迴清宵欹枕那忍聽月白自和愁聲來依稀
欲作還家夢紙窗浙瀝淒風動可憐握手情正長
忽驚喚醒誰相共誰相共此別離思玉瓶寒碎珊
瑚枝浮生南北羨歸鳥爭如比翼能追隨長歌好
寄碧山曲為問荒連幾叢菊勸君莫賦白頭吟舊
日題橋誓須足

棄妾行

風吹陰霾日無光棄妾含情羞下堂低回涕泣霑
羅裳可憐丈夫恩不長悔將玉質空嫁郎憶昔十

五辭蘭房與君結髮同糟糠豈期一旦成參商薄
命何似雙鴛鴦欲行不行猶自傷掩袂拂面摧紅
粧妾去矣君善愛堂前尚有姑嫜在穉兒幼女羅
膝號寄語新人好相耐妾去矣不復歸骨肉聚散
精魂飛一聲叫天腸欲裂從此兩地情依依

簫史曲

洞簫吹子雙鳳來雲縵紛子下層臺忽秦娥子輕
舉挾僊郎子徘徊渺無際兮隨所適遊重玄兮覽
八極更何人子復吹簫鳳之去子誰為招空月明

兮環珮遙嗟悵望予心徒勞

聊城箭

燕齊報復踵不旋人各為主相爭先聊城本是齊
故物燕將守之心獨堅田單破燕如拉朽却於此
地頓及久魯連區區掉寸舌緘書繫矢策何有誰
知巧中燕將心讀之感激涕莫禁將軍一死城遂
下此矢絕勝千黃金獨嗟樂毅破齊日魯連先生
胡不出

月夜懷吳六詔公

只此清宵月松寮別樣秋涼陰生古殿霽色滿虛
樓幽興句同得冥心神獨遊相思限湖水夜半欲
移舟

過惡峪嶺

惡峪勢摩天登登馬不前敢將為客淚點破看山
緣側足羊腸繞回頭鳥道連下來尋石峽轉覺興
飄然

中夜聞琵琶

正爾孤眠夜何來一曲聲哀疑悲薄命急似訴離

情淚向明妃落詞緣白傳成若為翻逸調令我夢

魂清

邊城晚眺

時同陳將軍理鄉防守鮎魚關

古塞雲垂地顛崖石作城草枯胡馬斷風急戍笳

鳴把酒賢侯誼振衣獨客情憑高漫回首却憶棄

繡生

寒氣薄疎櫺更籌送不停世途渾是夢客况若為

醒月冷娟娟白天高的的青半生辛苦事關塞幾

多經

端午諸兄弟共酌

天亦知佳節於人特有情不然連夜雨何事一朝

晴艾虎家家製蒲觴處處傾白頭兄弟在歡笑慰

平生

營平道中寄王相公

策馬都門直北來燕山飛雪下層臺解鞍客思隨

冰結投筆雄心共酒開縣邈總看三輔地鬱葱遙

指九陵隈此行不覺關河遠喜有聲光借上台

七十二峯

寒夜
西寮寒夜一燈紅瘦骨那堪領朔風心折故園誰
寄簡律回殘歲尚飄蓬長烟實卷吳門練新月虛
彎幕府弓我欲憑將愁斷絕夢魂依舊五湖東

冬日遊墻子嶺

歷歷山容馬上看危峰怪石總竒觀冰連萬壑龍
蛇卧雪壑重關虎豹寒荒漠誰云華地盡普天渾
是聖朝寬獨憐歲歲防邊者幾向明庭說治安
立秋夜雨感興用杜韻

暝雲漠漠過前溪雨送秋聲思欲迷胡馬漸驕誰
逐北王師空老尚征西羈懷不忍聞三淚拙技猶
堪試一蹄已識從今多世變函關何日報封泥

九日對酒憶父及諸弟

幕下開尊慰酒狂心驚佳節又重陽似同逐客身
千里忽復思親淚幾行椿老吳天雲樹負雁分秋
浦塞烟長拊髀不盡英雄慨欲向龍山酹一觴

同陳將軍游仙舟洞和楊大司馬韻

烟波無地覓仙舟玉洞名從絕塞留儘擬扣舷歌

赤壁何須飛棹訪丹邱當時李郭依稀見此日陳
雷汗漫遊司馬不逢都護宵空餘真勝憶風流

偕陳將軍夜宿僧舍

白日忽隨蒼山寒行人揮鞭促征鞍遙憐樹杪古
寺出更喜澗外流泉乾入門有僧話不俗掃榻待
我情何寬將軍如雷飽鼾睡明月欲上松雲端

李留守宅夜話

將軍緩帶意氣閒生平忼慨卑奴顏結客不愛酒
幾斛燈前談笑如家山夜深片月掛樓角起看星

斗俱闌珊我欲褰裳對君舞麾戈共取單于還

落花

花開春與來花落春隨去漫有惜花心而無挽春

計

有省

澄心心更擾息慮慮還多世事雲依岫人情月在

波

行處有天定止時非力為帆檣舟楫具一任好風

吹

擬古長門詞和劉仲修先生

深宮無伴日窸窸愁蹙娥眉懶自描何事上林多
百舌不同雙燕語空嬌

教坊南內按新歌嬪御紛紛盡綺羅昨夜官家歡
賞地香風猶自隔墻多

諸娃扶輦過仙臺永巷春深鎖未開起把銀餅灌
紅藥惜香應有蝶飛來

海棠庭畔試嬌紅一脉春思托曉風已向相如買
詞賦憑誰攜上未央宮

別殿西風錦帳寒頻移蓮漏夜方殘阿嬌不是悲
捐棄翻為恩多夢未安

哀鴻嘹啞漢宮秋不信張郎只四愁妾以孤眠寒
更早尚方應獻袞龍裘

露冷嚴城肅鼓鞳君門只在殿東西邨堪永巷娟
娟月偏照驚鳥夜夜啼

蕭蕭梧葉頓辭林棄妾猶懷戀主心聞說夜來宣
狗監長卿真已值千金

題湯泉

先皇曾向此經過敢把溫泉抵玉河任是六宮顏
色好冷腸今已屬誰多

王宮人隨駕不浴有不
為人間洗冷腸之句

初夏思家

竹筍青青半出林櫻桃紅映海棠深烹茶煮豆蚕
初罷却憶滿家歡笑音

孔貞明

貞明字道東鳳崗之子嘯父弟也詩名亞于乃兄

偶過飯石峰率爾成句

誰將白石煮化作仙人飾餘餐棄峰頭粒粒皆瓊

璨不資枵腹需永發搜奇歎我思黃梁夢桑海幾
經換迺今峰頭烟猶疑自成爨

入靈源寺

古寺在境內來生人外心嵐光雨餘澹樹色門前
陰施食舞山鼠繙經馴野禽問春春已去苔徑石
深深

借宿澗橋贈主人

日落小橋前伊人多勝緣斷虹垂飲澗歸鳥亂投
烟樹頂窗堪倚泉根確欲穿憐予問津者許借石

牀眠

借劍詩贈俠者

烈士心懷報國仇
洞庭東去借吳鉤
凌空灑氣含霜雪
徹夜寒光射斗牛
周武一戎成壯旅
漢高三尺定神州
吁嗟逆理終無用
獻罷魚腸鑄亦休

莫釐將軍墓

將軍去矣迹空留
蔓草修藤古墓幽
千載征魂金甲冷
當年豪氣玉關浮
鶴歸華表山山月
風咽泉臺樹樹秋
聞說隋家陵寢地
已無銅狄卧荒邱

和蔡景東咏芙蓉峰

湖上芙蓉峰秀拔
歷年久四時不能凋
造化在吾手

題飛錫堂

一堂清淨絕塵埃
不見支公飛錫來
悟得浮生無去住
杖藜堪老白雲隈

孔尚素

尚素字大文縣諸生

舟月

七十二峯

武山

卷四

孤月白無際荒荒遠近村未離寒水影已黯旅人
魂波靜魚情肅風和鴈語温有懷勞此夕獨酌亦
盈樽

尚達字君畿

烏棲曲

榆林塞下風淒淒榆林城頭烏夜棲胡笳一吹霜
月冷欲飛不飛還自啼將軍夜半聞此聲拔劍起
舞如聞雞白草茫茫沙漠漠單于只在天山西男

兒欲佩封侯印請纓志與終軍齊有家不歸二十
載戾戾愁殺閨中妻

太湖采蓴為舜五

扁舟弄晴景幽想結滄浪蘋荇參差合烟雲映帶
長葉鮮秋割翠蔓細手褰香何物能兼美鱸魚已
在梁

勞勞山

勞勞山上野花幽送客亭空雲不流日暮莫談江
左事西風吹月鬢先秋

書